


خلق ایچین
تماشا :


۱

فؤاد ملامی

عاشق غریب



ساز یار ماحصال



[برنجی بیک]

احمد انور کاشانی

مطبعه حلیه شمالی شرقی


۱۳۳۴

خلق ایچین
تماشا :


۱

فؤاد مایوسی

عاشق غریب



مائه یامه ماحال



[برنجی بیک]

ایکمل احسان و شیرکاشانی

مطبعه جلیق شمالی شرق

۱۳۳۴

Dulal

برنجی قسمك اشخاصی

متوفی احمدخوجانك اوغلی ۱۷-۱۸	رسول بك
ياشلر نده خايتله ياقيشيقلی بردليقانلی .	
۲۵ ياشنده	طوسون
۳۰ ياشنده	قامم
۳۵ ياشنده . اوزون صاقلالی .	همت
۲۲ ياشنده .	آبدال
۶۰ ياشنده .	عبدالغفور
۵۰ ياشنده .	مقيم اغا

مقيم اغانك اوشاغی . ارکك وقادين سازنده وخوانندهلر .
رقاصه لر . دعوتلي لر . طالق اوو قلر .
اوشاقلر .

متفرجين

برنجی قسم

— تېرىزده —

برنجی فصل

[وزنی : ۶ + ۵]

منظره :

متوفى خوجا احمد افنديك سلامقنده بر او طه . شرق دوشه مه لری
نفیس خالیلر . تعلیق لوحه لر . صدقلی اسکمله لر . پنجره دن سلامق
باغچه سی کورینور . موسم ایلك یاز . وقت ایکندی صولری .

برنجی مجلس

قاسم . همت . طوسون .

— قاسم پنجره نك یاننده آیاقده .

همته طوسون کیررلر . —

همت

مرحبا آرقاداش ، نه خوش تصادف !

سن ده تعزیه کلدك دكلی ؟

قاسم

اهومت ، بك زیاده ایتدم تأسف

رحمتلینك چوقدی خلقه کرمی .

طوسون

آه، يابن نه دهيم؟ [۱] خاص افندمدى .
اوغلى بيلمز اما، اوکا خدمتم
بش آلنى ييل واردر . صوكره ترك ايتدم .
— آغلایه رق —

ولى نعمتم طوبراقده شيمدى ..

همت

أه همت آغلایه لم اوغلان کلنجه ،
ايدلم اوچيز حلول اوکلنجه ،
قازانالم اوکجه امنيتنى ..

قاسم

• همت سنك، همت، كوردم سنى !
اصل مقصد كوچوك بلكه تشرف .

همت

صوكرده قوناقدە ، مالدە تصرف .
سز يالکيز آغلایيك، سوز سويله مه ييك .
بن اداره سنى بيلم بلك .
شايد کوز کزدن ياشده کله سه ،
مندیل طوتوب قورو کوزلر کزه
سپلر کي يايک .

[۱] نه ديهيم ؟ (يابن نه ديهيم ؟) ديمک ممکن ايدى . لکن
وزن املايه دکل تلفظه کوره اولمايدر .

قاسم

بندە كزاونك

اعلاسنى بىلىر .

همت

بزم طوسونك

كوزلرى شىمدىدىن صولاندى ذاتا

طوسون

اينانك بنكى ..

همت

— مستهزىانه —

اوهوت كرچكدن !

ايكنجى مجلس

اولكىلر ، رسول بك . صوكره آبدال .

— رسول بك كىرنجه مسافرلرک اوچى بردن

بكه طوغرو بردن تىنارله ايلرلرلر . —

رسول بك

اغالر، مرحبا ! صفا كلديكيز

— آغالر ، كوزلرني سيلر —

قصوره باقمايك ؛ آه مائىمدهيم [۱]

— مسافرلرک اوچى ده حىچقير يقرله آغلايهرق

كوزلرني سيلرلر . —

يا ، سىزك، بىكىتلر، نه در درديكيز ؟

[۱] (آه مائىمدهيم) يرينه (مائىمدهيم) دىمك ده ممكندر .

همت

سز صاغ اولك، كوزم؛ بابا كز، بكم،
بزم، اوز پدردن دها قيمتلى
بر افنديمزدى. امووت، رحمتلى
بزي كوزم تيردى اولادى كي.
قارا خبرنى — آمان ياربى! —
ارزنجانده طويدق همشهريلردن؛
طورامادق آرتق غمدن، كدردن؛
ايشلرى براقداق، دوندىك عجله؛
منارينه واردق كوز ياشلريله.
عرض تعزيتله اتكىكزدن
اوپرز.

رسول بك

— بك ممنون اوله رق —

الله راضى اولسون سزدن.

— آبدال كير . —

آبدال، بيليرميسك بو آخالر كيم؟

آبدال

عمرمده كورمه دم، ين نردن بيلم [۱]

رسول بك

بونلرده، آبدالم، بابا دوستلرى.

[۱] نرهدن بيلم ؟

آبدال

— اوچ مسافری دقتله سوزه رك —

سرمكه كمشلر مطلق پوستلری .

رسول بك

قبول ايدرلر سه جانم منت .

اومارم قاليرلر بزده برمدت .

آبدال

— كندی كندینه —

بوأه وده أهو دكل ، مسافر خانه !

خوجا كیتدی دییه کان کلنه .

نه یمش : بابامزدی رحمتلی . . فلان . .

مرام یمك ایچمك قصوری یالان .

بك چیقینجه کوزلر هپ برر چشمه .

لكن او کیردی ارق حرمه ،

کلسین محبتلر ، کلسین جنبشلر !

بزم دیوانه هپ بوفلری بسلر !

— بکه جهرا —

او قدر یوز ویرمه هر مسافره ،

صوروب آ کلا یلم هله بر کره .

— قاسمه —

اغا ، آدك نه در ؟

قاسم

یل اوغلی قاسم .

صونوق شی .. یاسنک ؟

طوسون

طوسوندر آدم ؟

بابامک ..

آبدال

نو ، بلی آرتق ؟ نه حاجت ؟

یا ، سنک ، صاقلای ؟

همت

نیمی ؟ همت .

— عجله عجله —

رحمتی بابامه دیرلردی حاجی

عبدالستار . آنام مستوره حاجی .

ددهم حاجی طورمش ..

آبدال

— مستوزی —

یا ، قوجه نینهک ؟

همت

— دها عجله —

حسنه ، دایم مستان ، خالهم کلشکن ..

آبدال

— صبر سزلانهرق —

طوربه ! یتر آرتق ، یتر ، آ کلادق .

مبارک صویکه دکلز عاشق .

رسول بك

نه ايش ياپارسىگىز ؟

همت

تجارىز ، پاشام .

نه حالب براقدى كىزمەدك ، نه شام

آبدال

آفرىن ، بويىلدە كىدك بغدادە .

بزه لىزومكىز يوق ، صانكە ، بوردە .

رسول بك

آبدال ! بونلر نىم مسافرلىرم .

دها چوق سويلرسەك ، صاغلام ، دوكرم .

آبدال

مبارك اولسونلر نازلى بكمە .

قوغسەك دە كىتمىزلر ، سىن هيچ غم يىمە .

رسول بك

هايدى ، كىت ، لالاملە بزه چاى كوندەر .

— آبدال چىقار . —

اۋىغىنى مجلسى

آبدالدىن ماعدا اولكىلار ، صوكرە عبدالغفورلە

ايكى اوشاق :

رسول بك

آبدالدر ، باقىلماز بونك سوزىنە ،

همت

آكلادم باقنجه ذاتا كوزينه .

طوسون

آجيدم، زواللى قاجينه بگزير .

قاسم

فنا بر اكلنجه دكل بكمه .

آزيجق تبسم سربر ماته .

همت

حقيقه بكم ، بر آز آچيلك ،

باغله چيقالم ، كولك ، صاحيلك

باقك كل يوزكز صولمش كردن .

شكايتده فايدا [۱] وارمى قوردن ؟

رسول بك

باغچهده ، چيچكده ، فائري ، يوق كوزم .

باباجم اولدى ، دنيايه كوسدم .

لكن مسافره بورجم رعيت .

چيقارم باغچهيه قادار نهايت .

— بوسرهده عبدالغفور كيرمش ، ارقه سندن

ايكى اوشاق تپسيراچنده چاي طاقيله قوراييه

وساثره كتيروب اسكمله لرك اوزرينه قويغده

بولونورلر . —

[۱] فائده

لالا .. غفور بابا ! .. باقسهك آ بكا !
چایمزی کوندر حوض [۱] باشنه .
غفور

— اوشاقلر تپسیلری آیلرکن —
اوج آیدر ، کدردن ، زواللی بکم
صیم صیتی قابالی اوطورور . آغلار .
شکر اللهمه ، بوکون کیفی وار .
کیدوب آنهسنه مژدم ایدیم .
چیقار . ارقه سندن اوشاقلرده تپسیلرله چیقارلر .
منظره یی سرمه تله دکیشدیرمک اوزره
اورته پرده اینر .

یکی پرده آچیلینجه یه قادار
موزیقه :
« کچید »

بورا دیندی ، روزگار قالدی .
یوزی کولدی اووانک .
اشیا برسکونه طالدی . [۲]
یورغون آرغین ،
حزین ، طالعین ،
اویوقلارکن ، یووانک
اوتتمک باشلادی شاقراق بلبلی .

[۱] « حاوض » اوقونور .

[۲] یاخود : (اورته لاق سکونه طالدی .)

بر شوخك آلتی اویدی کا کالی .

اویاندم آجیلدی کوزم حیرتله .

اوقتان کولیوردی شطارتله ،

بر حوری ملک ساندم .

آیاغنه قاپاندم .

شیمدی آرتق جهان بنم ،

جنان بنم ، جانان بنم .

کلسین آرتق اینجه سازلر ،

عشوه لر ، نازلر ، نیازلر .

چیفته تلایلر ، شهنازلر .

رقعه باشلا سین دلبازلر .

شیمدی آرتق جهان بنم ،

جنان بنم ، جانان بنم .



ایکنجی فصل

— برنجی فصلان برسنه سوکره . —

[شرقیلره قادار وزنی : ۲ (۴) + ۵]

منظره :

شهرک خارچنده بویوک برباغچه . حوض باشی . مکمل عشرت
سوفره لری ، نشاده دینیلن ایچکی کوموش کوکوملرده . بلور قدحلر
کوموش طاقملر . متنوع صناعه لر . چیچککار . میوه لر . بر طرفده
ارکاک وقادین سازنده وخواننده لر . رقاصه لر .

برنجی مجلسی

همت ، قاسم ، طوسون ، دها برقاچ
طالقاووق ، سوکره آبدال .

همت

بکه کیدوب چاندیغمز ایلک کوندن بهری
تام برییلدر ، اوغراشیرز آلیشدیرمغه [۱]

قاسم

همتک وار اولسون ، همت ، قوجه سرسری !
اک نهایت شو ، عشرته قرار ویردی یا !

طوسون

— نشاده دینیلن ایچکی حقنده —

نه ایچکیمدر بو ! آدامده عقل براقاز .

هت

طاتلی ، شربت کی طاتلی ، بوفازی یاقاز .
— بوسره ده آبدال کیر . —

آبدال

چاقینلر ! اک صوکره بکی آلیشدر دیکز .
ایکی درهم عقلی وار ، بر ایشه یاراماز .
اوده شیمدی اوچار کیر .

هت

نه اولور ، بر آز

ا کله نیرسه ؟ اونی آچقدیر مرادمن .

آبدال

اهوت ، آچق ایسترسیکز صوک کیمه سنی .
بر طالقووق (صانصار)

آبدال ! اويله زوزکله نه ، صوص .. کس سسکی .

آبدال

وای اظام وای ! باش اوستنه ! شیمدی صوصارم .
اوزوله سن ، جیجی قارغهم ، ییکیت صانصارم !
— کندی ، کندینه —

قاضی اولسه م کتابه ال باصارم ،

نرده کورسه م بر طالقووق .. آصارم . [۱]

دیگر بر طالقووق

بک کلپور ! فاه ! افاده ایشه صاغنده .

[۷] یاخود : (طالقووقی ، نرده کورسه م آصارم .)

بر خواننده قadin

— ياننده کی خواننده ورقاصه لره —

بینه کلار آچش اوغلانك ياناغنده .

ایکنجی مجلس

اولکیلر . رسول بك . مقیم افا . دیگر دعوتلیلر .

بونلر کیررکن موزیقه :

« آقیش »

صفا کلدیگز ، ولی نعمتیلر ،

سزی کوردی ، کلینک یوزی کولدی ،

غنیچهلری کلین کی سوزولدی ،

قیر بریسی ، قوشانمش الماس کمر ،

یولدیزه آل ایپکلیلر سرر .

صفا کلدیگز ولی نعمتیلر .

شرفلندی قدومکزله باغلر ،

یشیلار کیندی اووهلر ، طاغلر ،

قارشیکزده صف صف چاملر آل باغلار .

قیر بریسی ، قوشانمش الماس کمر ،

یولدیزه کلار ، اینجیلر سرر .

صفا کلدیگز ولی نعمتیلر .

همت

— یرندن فیرلایه رق و بی قارشیلامفه

قوشان آرقادا شلرینك اوکنه کچه رک —

بویور ، پاشام ، کوزلر من یوللرده قالدی .
 آقشام اولدی ، بویوک ساعت طقوزی چالدی . [۱]
 ملوکانه سایه کزده عشرت سوفره سی .
 صفالره کلدی سازک ، سوزک صره سی .

رسول بك

خواننده لر ، سازنده لر یاقین کلسینلر !
 — چاغیره رق —

رقاصه لر ! نازنده لر ! جیهی کینلر !

— هپسی طویلانیلر . قدحلر تعالی اولونور .
 خواننده لر تغنییه باشلارلر . پروغرامی همت
 ترتیب ایتشدیر . چالغیچیلره ، رقاصه لره او ،
 قومانداییرر . —

قادینلر

[بوشرقینک وزنی : ۳ (فعلاتن) ، ۱
 (فعلن) در .]

کلر آچدقجه کوکلر آچیلیر .
 صانکه کوکلردن املار صاچیلیر .
 آره وارمق ایچین آردن قاچیلیر .
 — قادین ارکاک بوتون خواننده لر —
 ایچلم ، آکلنلم ، ایردی بهار . [۲]

[۱] بالطبع اذانیدر .

[۲] (آهردی) اوقونور .

قادیسلر

اویانوب اویقودن ایرکن ایرکن ،
اووهیی آلتین ایشیق سوسلرکن
آچالم قیرلره طوغرو یلکن .
بوتون خوانندهلر

ینه زمردلرینی سردی بهار .
عموم حضار

ایچهلم ، اکلنلم ، ایردی بهار .

قادیسلر

ایک الارله سرین برروزکار ،
طاغیتوب ، صاحبلمنله اوینار ،
اکسه مزدن اوپر اوقشار اوقشار ..
بوتون خوانندهلر

بزه فیروزه چادیر کردی بهار .

عموم حضار

ایچهلم ، ذوق ایدلم ، ایردی بهار .

قادیسلر

قوزولر قارشى بایرلرده ملر .
صو شارلدار ، اوتوشور بلبلار .
چوبان عشقیله قواللر ایکلر .

بوتون خوانندهلر

عالمه نشمه ، صفا ویردی بهار .

عموم حضار

ایچدلم ، ذوق ایدلم ، ایردی بهار .

هی هی لر ، نعره لر

— رسول بك برقاج کيسه آلتین داغیتیر . —

برارکک خواننده

[بوزنلک وزنی : فعلا تین مفاعله ن فعلان]

ایکی کونلک حیاتمز شورده

نه یه او هام ایله زهرله نسین ؟

نه که لازم بو کون غم فردا ؟

ی ، ایچ ، اکله ن که بر سفر برسک

ارکک خواننده لر

[نقراتک وزنی : ۳ (فعلا تین) ، ۱ (فعلان)]

دو کولور چونکه اولوم غورینه اک صو کره حیات ،

باری شن شاطر آقوب

— قادی ن خواننده لک اشترا کیله —

باغلری ایتسین دلشاد .

ارکک خواننده

یولک اوستنده دانه ، میوه ، چیچک ،

نه بولورسه ک نصیب عمرک اودر .

ذوقی ، سودایی چیکنه یوب کچمک ،

قویو کفران نعمت ایشته بودر .

ارکک خواننده لر

ایچه لم ، اکلنه لم ، ذوق ایدلم او یله یسه .

ویره لم وارمزی

— قادین خواننده لرک اشتراکیله —

جمله هوا وهوسه .

ارکک خواننده

باشلا ییک رقصه ای سمنبرلر !

خنده لر ، عشوه لر نثار اولسون .

سن ده ، ساقی ، مدد ، همن می ویرا [۱]

دیلم ، هر کونک بهار اولسون .

قادین ارکک بوتون خواننده لر

سویشن قومرولرک حننه اویسون سازلر ،

اوپوشن نغمه لرک دامنه دوشسون نازلر .

سسسلر : هی هی ! مدد !

— رسول بک ینه آلتین سرپر . —

رقص

[وزنی : ۸ هجدر]

صو لر آقار شاریل شاریل .

کونش پارلار پاریل پاریل .

قیزدیر ! کل بویمه صاریل .

کل باغچه سنده باییلدم ،

قالمایم درد که غملی .

[۱] (وهر) اوقونور .

جانم آمان ، قارا اوغلان !

تېرىزك يېكيدى شانلى .
آنام ! كوربوز دليقانلى !
جوانم ! هېسى صىفانلى

كوزل قىزلرندىن يىلدىم .
تېرىز دلبرلى ناملى .

كلم ، آمان ! حالم يامان .

الا كوزلر ، سمور قاشلر
كوكل اوزەر ، يورك خاشلار .
آمان ، يىتدىم آقارداشلر !

صاراماز سەم اوفدانى
اولور دنيا بىكا حرام .

آنام بابام ، آنام بابام !

ياناقدە برىمىنىك چوققور
دوداقلره ميدان اوققور .
پاموق الار خالى طوققور .

اوپه منرسه او کردانی
یاشایامام ، یاشایامام ،

آنام بابام ، آنام بابام .
آبدال

— یاری آجیق کو کسلره صارقیندیلق
ایده رک —

آنام بابام ، بابام آنام !
بنده شونی قوقلامه دن ،
آجوب باقوب یوقلامه دن
ظورامام ، وای ، طایانامام .
— رقاصه لر آبدالک یوزینه خفیف شامارلر
ایندیررلر .
نعره لر ، چیلغینلقلر ، رسول بلک بول
آلتین داغیتیر . —

مقیم آفا

بو او یونی پک بکندم .
تکرار لانسه بر ، اولمازمی ؟
همت

نه دیمک ؟ شیمدی اقدم .

آبدال

— او یونجه قیزلردن بریله شاقالاشه رق
وچیللاق قوللرینی اوقشایه رق —
بونلر بلورمی الماسمی ؟

رسول بك

— برقاچ كېسە آلتىن دھا آچەرق وچالغىچىلار
رقاصەلر ك باشلرى اوزرندن صاحەرق —
اعامزك شرفە
بو اويونى تىكرارلايك .
آبدال

— افايە —

اڭام ، سەن دە بر ، كېسە كە
طاورانسەك آ !
مقيم افايە

— اوفكەيلە —

صوص اول ، چاپقېن !
اويون تىكرار ايدىلير . يەنە آلتىنلر صاحىلير .
اورتە پردە اينر .

يېڭى پردە آچىلانجىيە قادار
موزىقە :

« سفاهت »

[وزنى : ۲ (فەلاتىن) ، (فەلەن)]

اى قدح ، سەنى بى مست ايتدك ؟
قىرىيورم سەنى بن ايشتە : شراق ..
باشقە جام پوق دكلى آ ! بر مستك
اك بويوكى ذوقى شودر : جام قىرماق .

باق بوشانغیرتی ده برقهقهه در .
قاه قاه آل باق ، بوکا آلتین دیرلر .
باق ، نصل پرکیسه بردن بوشالیر .
صاج : شیقیر .. ررر .. طوپلاده صای : زر ، زو ، زو .

زیلارک الله شاقیردار ، شاقراق ،
قیز ، بورقصکله بزى غشی ایتدک .
قیز ، وجودک کبی طوپ طوپ زانباق
کورمهدم ، آی ایشیقندمی آتک ،

صاقینوب قاجا ، آمان ، نازی براق ،
آج اوزانباقلری صاج چالقایارق ،
صالینوب کول ینه قیوراق قیوراق ..
آل شو آلتینلری : شیقیر .. رر .. شرارق ...



اوچنجی فصل

منظره :

مقام افانك مسافر او طه سی . قیمتلی مفروشاته ، لیکن حسن طبیعت
و ذوق سلیمه اویمایان بر طرزده طولدورلش .

برنجی مجلس

عبدالغفور . مقیم افانك اوشاشی :

صوکره افا .

اوشاق

[وزن : ۶ + ۰]

افا جنبانه خبر ویرلدی .

غفور

کشکر ایدرم .

[افا کیر .]

اوشاق

کندی ده کلدی .

افا

[کندی کندینه]

کلن رسول بکک لالاسی غفور .

هریفک کلشی هر زمان اوغور .

ذاتاً ایکی کوندر آوچم قاشینیر .

[کوزلری بارلدا یوق]

ينه يا مجوه يا خود خايدر .

— غفوره —

بويوزوك ارسلانم ! شويله .. سديرك

اوستنه ..

— اوشاغنه —

كيت، چابوق قهوه كتيرك .

— اوشاق چيقار . —

— غفوره —

[وزن دكيشير . ۲ (۴) + ۵ اولور .]

تبريزك اك الى آچيق اصلزاده سي

رسول بك ميرزانك صادق بنده سي ،

فصاحتك ؟ بكمك كيفي نيجه در ؟

غفور

چوق شكر، ايدير [۱]

اذا

— غفورك قولتوغني آلتنده كي قابارتي يه

كوز آتهرق كندي كندينه —

بر چكجه در .

— جهراً —

الله حمد اولسون . [۲] يك ممنون اولدم .

— دها زياده طايانامايهرق —

قولتوغيك آلتنده كتيرديككي نه ؟

كوردم !

[۱] يا خود (وجودجه ايدير .)

[۲] يا خود (الله چوق شكر)

غفور

بوسفر بوش بر چكجه

اڤا

آلتينهي، كوموشمي، صدقمي يوقسه ؟
تشكر ايدرم، هپسي مقبولم .
عادي شي كوندرمن بكا بك اوغلم .

غفور

هديه دكدر، اڤام، بو قاصه .
آموده بر كوشهده بوني بن بولدم .
بكمك اقيچهيه اقتضاسي وار ،
سزه چوق سلامي ، هم رجامي وار ،
ايچنه بونك بر ، اون كيسه قادار
قويوب ويروسيكيز، بكمك ابوطار
كوننده البته لطف ايدرسيكيز ،
اسير كه من سيكيز ..

اڤا

— يوزيني اكشيتهرك —

اودونج پارمي؟

ايشته بو اولمادي ..

— شاقا صانهرق —

شيمدي صرمي

بويله شاقالره كچيريله جك ؟

غفور

شاقا دگل اغام !

اغا

يوق، صانك كرجاك !

غفور

أه وءت ، مع الاسف باره سوز قالدق .
خبر كيز يوقى ؟

اغا

يا ، يازيق ! يازيق !

[وزن دكيشيور : ۲ (۵) اوليور .]

خانلرى صانك ، حامى صانك ،
چيفتلىكى صانك .. يوز كيسه آلتين
ايدر بوشيلر ..

غفور

هينى صاتىلدى .
اوسته برهوه بربع زه قاتىلدى .
حتى قوناق ده ، شيمدى ، رهنده .

اغا

ديمك قالمادى بلك آئنده ..

غفور

نوده آوجنده برشيلر ، هيهات !

[اصل وزنه عودت ايديلير : ۵+۶]

اڦا

واه ، يازيق ، اوله يسه نچين بوسانديق ؟

يا ، بوسوزلر كك هپسي ترهات ،

ياخود بونا مشسك ، غفور ، سن آرتق .

— غفور جوابه طاورانير . اڦا ميدان

براقايهرق —

باق ، ديكله ، آكلادم ، مسئله جدى .

ذاتاً بونقيجه دوندن بللیدی .

بكك اكمكنى بنده چوق ييديم ،

ويرديكى اك اعلا كوركارى كيديم .

هرضياتنه ايدردي دعوت ،

هربرنده ايتدم ايقاظه غيرت .

— بك آچيق يالان سويلديكنك فرقنه

وارهرق —

واقعا مكدر اولماسين ديهه ،

آچيق سويلزدم ليكن كنايه ،

ايما تمثيل تشبيه ، تلميح ، اشارت ،

هپسنى ياپاردم . سويلردم ، امووت .

حتى سن كله دن دييوردم ينه

تكليف سزجه كيدوب اوكله يمكنه [۱]

آرتق آچيق آچيق سويله يم ، بيتسين .

تك شووبال ، كناء اوستمدن كيتسين ،

ديهه جكدم : اوغام ، كل بنى ديكله ،

[۱] « يه مهنه » تلفظ اولونور .

پارەسىز قاليرىك بو تىزىر كە .
 ياۋروم كىندىكە كل ، سوز دىكە ارتق .
 بو كىندىشك صرىكى افلاسىدر ، يازىق !
 يازىق كىنچىلىككە ايچىرسەك يىنە ،
 يازىق ھىمىشە كە ، يازىق نىنە كە !
 آلمش اطرافكى ھې قافاسى بوش
 برسورو طالقاۋوق ، بر آلاى سرخوش ،
 كوندن كۈنە سنى آزىرىيورلر ،
 سوكرە مەكەلجە سىزىرىيورلر .

غفور

— آچاق سىلە —

اوخىرسىزلرك [۱] اك بويوكى سن .
 بىكك سايەسىندە تولدى ھې كىسەك .

اذا

نە سويلەنىورسك كىندى كىندىكە ؟
 نەيسە اولدى ارتق ، كىت افندىكە ..

غفور

بويلە ، الم بوشى ، كوندىرىيورسك ؟
 — لطيفەيە بوزمق اىستىهرىك —

قەۋەمى ايچمەدن يول وىرىيورسك !
 — بوصرەدە اوشاق قوجامان بر تىسى ايچىندە
 بىرك فىنجان قەۋە كىتىر . مسافەرە كوتورر كن

[۱] « خايرسىزلر » اوقونان .

اغا يولنى كسوب همەن فەنجىنى گەندىسى آلير ،
گەندى اچمىك اوزرەۋرگەنە قويوب اوطورور .
غفور بوحالە شاشقىن شاشقىن باقار . —

اغا

توزوم بابا غفور ، گوجىمىز سىك آ ،
بن سنى اىچە كورمىش ، سىگىرىمىش ،
خالدن آكلار ، ذىكى ، عقلى باشىدە
بر آدم صانيردم . غتە كىتىرىمىش
اولمالىسىك . يازىق ! يازىق عقلىكە !
بويلە چوچوقلقلر ياپما بردىدا ،
بو كوتو زماندە اودونىچ وىرىمىك ها !
هم بويلە رەنسىز ، كفىلىسىز فلان !
بن وىرىم دىنىم سىن ذىكى : يالان .
شىمىدى آكلادىكيا ! سلامتە كىت ،
بىكەكەدە بىندن بويلە سلام ايت .

غفور

اقام ، بويايدىنىك مىردلك دىكلەر .
بىكىك ناموسى صاغللام كىلىدەر .

اغا

— اوفىكەلنەرك و آرتق بىستون
ماسكىنى آتەرق —

نە دىدىك ؟ مىردلىكىمى ؟ يەنى دىلىمىك !
وېرىم ، اكلادىكىمى ، بىرىك مەتەلىك .

هم نه گوندن بهری یو یو یو عادت ؛
اظانك او كنده اوشاق او طور مق ؟
نه كونلره قالدق ! هايدى ، چابوق قالق [۱]
سكا ياقيشان شى اياقده خدمت .
حالا او طور ييور ، باقك ، قارشيمده !
قالق ييقيل باقالم ، حدينى بيلمز !
غفور

— هم چيقار ، هم سويله نير ، —
بو حالى ده كوردن بن شوياشده .
يوزى قاراسنى بيك تو كروك سيلمز .
— قهر اولسون نانكوراك ، قهر اولسون خست ! —
ييدى ايچدى ، آلدى برچوق هديه .
بكمك احسانى بوتون بو ثروت .
اغاخى بيله مديوندر بكه .
ديزلرنده طور سون ييدينكى نعمت .
كوزنى كور ايدر منتقم البت .
چيقار

— همت ، قاسم و طوسون كپر لر . —
همت

اغا ، سن نه دير سبك ؟ بونه عارسزلق !
رسول بك دينيلن اوسر سم آليق
ديلنجهي آبدالى كوندرمش بزه ،

[۱] « هادى ، چابوق قاق ! » اوقونور ،

پاره ديله نيور .. باق ادب سزه !
برر آلتين ويردك ، هريفي صاودق .
آمان نه دنسزلك ! نه صايفيسزلق !
طوسون
آلديمي يا ؟ ويردك ديمه ييك باري !
همت

— بوزيله رق —

چيقاردق ويردك يا !
قاسم
آلايدى !
همت

ظايرى ،

بردها كليرسه بر مانغر ويرم .

اغا

— صانكه برشى ويرمش كې —

كيم ويرر يا آرتق ؟

همت

گبرسين ، سرسم !

طوسون

آرقاداشلر ! بنده سزك كې يم ،

بكك افلاسنك برسېي يم .

بنده سزه اويدم ، جاهلك ايتدم ،

مردلكه ياقيشماز بر يوله كيتدم .

اوسايله شيمدى خاينى پاروم وار .

لكن سزده ، كلك ، ائمه ييك انكار ،
هيمز اوبكك پرورده سي يز .

اودونج ايستر بزدن ، هايدي ، ويرمه يز ، [۱]
لكن انصافيدر تحقير اولونسون ؟

بوکا راضی اولماز بر وجدان والله !

اذا ، همت وقاسم

قاه قاه قاه قاه قاه ! واه واه واه واه واه !

وا یازیقلرا اولسون ! چیلدیردی طوسون !

طیش پرده اینر .

برنجی قسماک صوکی .

تنفس .

[۱] « هادی » دینه جک .



ایکینچی قسمنک اشخاصی

عاشق غریب (رسول بک)

قهوه جی

صاچی صاقلی چوق آغارمش

دلی محمود

عبدالغفور

آبدال

طوسون

رسول بکک والدہ سی

رسول بکک همشیره سی

سو کیلیسی

شاه سنمک جاریه سی


امینه خانم

شاه سنم خانم

آقچه قیز

قهوه مشتری لری . عبدالغفورک ارقه سنده

ایکی حال .



ایکینجی قسم

— تفلیسده ، —

[برنجی قسمدن ۲ — ۴ سنه صوکره .]

وقعه : رسول بك آرتق تبریزده طورامایه رق قاچش ، فطری
استعدادینك و ضرورتك سوقیله ساز شاعری اولاش ، تفلیسه کلمشدر .
کچدیکی برلرده و تفلیسده سازیله سوزیله « عاشق غریب » دییه شهرت
آله رق نهایت تفلیسده یاشمش ، والده سی و همشیره سیله اورته حاللی ،
عادتا فقیرانه بر حیات کچرمکده درلر . غریبله تفلیسك اک زنکیفی اولان
فنی خوجانك قیزی شاه سنم یکدیگر لرینه علاقه ایتشاردر .

برنجی فصل

منظره :

عاشق غریبك والده و همشیره سیله او طور دقلری ائوده بر
اوطه . ساده ، لیکن تمیز و کبارانه مفروشات .

مجلس

عاشق غریب (رسول بك) . صوکره والده سی

و همشیره سی .

غریب

— النده ساز —

[وزن : ۲، (۷)]

بر زمانکی رسول بك وطندن جدا اولدی .
تبریزده بر بك [۱] ایکن تفلیسده کدا اولدی .
لیکن کچمش کونلره اغلامقدن نه بیقرار ؟
شیمدی « عاشق غریب هم ، قهوه‌ی ایتدم مقرر .

سازمی بکندیردم تفلیسک کوزانه .
قوشمالرم ، بیتلرم اویدی یرلی دیلنه .
والده‌له همشیرم تلی ملیکاری ؛
بنی خوشنود کورمکدر دنیاده دیلکاری .

صنعتله سازمدن آز چوق کار ایدیورز .
شکر علی گل حال کچینوب کیدیورز . [۲]
قناعته دیمشله توکنمز برخزینه .

اونی بولدم ، یوکسکده اوچان قوشدن بکانه ؟
— بر لحظه توقفدن سوکره —

[وزن د کیشیور ، مفعول مفاعیل مفاعیل فعولن اولیور]
لیکن اوسنم ! آه اوسنم ! آه اوپریزاد !
سودالی نکاهنده — آهی ! — او ، نه افسون !
برطرناغنی کورسه نه شیرینی فرهاد
بر کون آکار آرتق نده لیلانی مجنون .

ای غنچه لبندن اوچان اک نازلی تبسم !
وارم سنک ، عمرم سنک اولسون ابدیآ ..

[۱] « بك » یرینه « بای » ده دیرلردی .
[۲] یاخود (حالزدن خوشنودز ، کچینوب کیدیورز .)

آی حسن الهی ایدن آننده تجسم !
 مفتونم از لدن سکا ، مفتونم از لدن .
 — بر آز توقفه قاپی به باقدقن صو کره —
 [۲ (۷) وزننه عودتله]

حیاتمی بسله یین بو عشقک کونشیدر .
 خیالمی سوسله یین سنمک کوزی ، قاشی .
 او ، روحک از لدن یارادیلش آشیدر .
 حوریلرده بولماز اونک آهو باقیشی .
 — بر آز صو کره قالفوب بر پنجره یه
 بر قاپی به ، عصی عصی کزینیر ، —

لکن یک اوزادیلر ، بر عصر کجیکدیلمر . [۱]
 باشمده بو انتظار قیزغین دمیردن بتر .
 — تکرار اوطوروب سازینی الله آلیر . —
 سویشن جانلری نمکنمی که بر سد آیره ؟
 قارلی طاغیر ، اوچورملر بیله اولسه آروده ؛
 یا آشارلر ، یاده لر ، او یله کچرلر .. زیرا
 اک بویوک خارقلر زاده عشق وسودا ..
 — برمدتجک صو کره قاپی آچیلیر . آنه سی
 وهمشیره سی سوقاق قیافتیله کیررلر . —

غریب

— همهن سازینی فیلا تهرق ویرندن
 صیچرایهرق صوک درجه ده وجد
 وهیجانله —

[وزن : ۳ (۵) در .]

[۱] یاخود (لکن یک اوزادیلر . نه قادار کجیکدیلمر)

آنه !

— آنه سنك كوزلرينك ايچنه باقار . والدى
متين كورونمكه چاليشير . —

يولنه قربان اولديغم سو كيلى نينه !
ماشق غريبك اولاجقميدز كل يوزلى ستم ؟
نصل ؟ سويله ! نه ديديلر ؟ آنه ! بر اميد وارمى ؟
دوكون درنكمى غريبي بكار ، يوقسه مزارمى ؟
آنه مى

[وزن : ۲ (۷) در .]

ديككه ، او غلم ، نينه كي ، صبرلى اول آزيچق .
سنى ويره چكار ..

— غريبك يوزى سوينجه پارلار . —
لكن آنامى بزه

ديدى : « قيزك باباسى ايستر تمام قرق كيسه . »

— غريبك يوزى بولوطلانير . —
واقعا شانلريله متناسب آغيراق ..

— كوزلرى طولارق —

رحمتلى باباك اولسه همهن صايار ويريردى ،

سو كيلى رسوانى كوكلنجه اوه ويردى .

شيمدى غسرت ايلنده انجق كچينيورز .

يوقادار چوق پاره يي نصل ، نردن بولورز ؟

اونكچين نى ديككه ، يا وروم ، واز كچ ستمدن

باشقه بر قيز آراز ،

— قيزينه —

امینه نه دیرسك سن ؟

غریب

آنه ، كچمش كیجه لر خاریدر ، چكرم .
او كوزل صباح ایچین تك چاره در سفرم .
أولورم ده واز كچم ، كچم سنممدن .
اوج کیسه آقچه من وار ، برنی آلیرم بن ،
ایكیسی سنده قالسین ، یتر سزه برسنه .
قازاندقچه یوللارم ، یوانی بولوب ، ینه ،
— قادینار فریادله آغلامقه باشلارلر . —

آنه سی

بك او غلام نینه سی بو قدر می سویور ؟
غربت ایله براقوب بنی نصل کیدیور ؟ [۱]

امینه خام

قارداشمدن ایرلق بنیچین برأولومدر [۲]
غربت ایچنده هجران ، قهر اوستنه ظلمدر .

غریب

— والده سنه —

سراق ایتمه ، والده ! چوق چوق برایکی سنه ..

— همشیره سنه —

[۱] یوقافیه به بعضی اعتراض ایدرلر . اعتراضلرینه هدف

اولماق ایچین { بو قادار می سویور بك او غلام نینه سی ؟
نصل کیدیور غربت ایله براقوب بی ؟ } دییه

بیلیردم . لکن قافیه سزده دیسه لر مننده کی شکلی ترجیح ایدرم .

[۲] یاخود : « قارداشمدن ایرلق بن ایچین أولومدر . »

قاووشدورر مولامن ، ایکی گوزم امینه !
— قادینلر آغلامنه دوام ایدرلر —
غریب چیقار
اورته پرده اینر

یکی پرده آجیلانجهیه قادار موزیقه :

یوزمی اوقشییور نازنین برال ،
گوزمدن اوپیور بر نازین امل ،
ییلدیزلری دییور کیجه نك : یوکسل !
ای طوپراق چوجوغی ، بزه ، بزه گل !

« بن سنکم . » دییور اونازلی کوزل .
یا ، نهدن روحده بوقتور ، کسل ؟

اوزاق برامیددن گلیر کن ضجرت ،
یأسک تصوری ویردی جسارت .
یاقسده غیری اک آجی حسرت ،
اومولور صوکنده وصلت ، مسرت .

هیهاتلر ! نه واهی ، بهوده غیرت !
ماضی حیاتم کنجلمه عبرت .

حالم شوپله بوپله ، آتی شپهلی .

بعضاً یأس بوغار طفل املی ،
بعضاً امیدك - كه نوری ازلی -
قارا بولو طلری صییر الی .

سودم ابدیاً بن او کوزلی .
یا بن اوله لی یم یا او ، کولمه لی .



ایکینجی فصل

منظره :

موسم صوڪ بهار . کیجه . مهتاب . آیک اول دردی . غنی خوبانک
کوشکنک باغچه سنه یاقین بر قورولق .

مجلس

غریب . صوکره سنم و آتجه قیز .
غریب

— النده ساز —

[وزن : مفعول مفاعیل مفاعیل فاعولن .]

ای کوکب شب ! صورما نیچین شاعرك اغلار !
بیچاره کوکل جوشدی ینه درد ایله چاغلار .
باق ، سودیکمک نازلی آدیملرله کچنده
شنلندیره رک چیکنده دیکی تازه چنده

ازهار محبت صولپور شیمدی ، پریشان ..

هپ بکزی اوچوق ، بوی بو کوک سنبل وریحان .. [۱]
عشقیله اونک ناله ایدر قوشلر اغاجلر .

هر کون بکا یاصدیق قاپیسنده قاراطاشلر .

ایواه ! [۲] باشم آرتق اوصفادن بیله محروم .

[۱] یاخود : ازهار محبت اونی کوزلر ، متجسس ،

هپ بکزی اوچوق ، بوی بو کوک سنبل و نرکس .

[۲] یاخود (لیکن الخ .)

هسبت یلی آسدی یگیدن ، ای سر محمود !
— بر لحظه توفیقدن سوکره —

گوکلم صاراران یایراغه بکزره ، اوده صیقلار .
روحدهده بر ناله لی ، شکوالی خزان وار .
— آلتنه خزانرسیده بریایراق دوشر —

ایتمش سنی روزگار بو کیجه دردمه اورتاق
طویراق یوزمه سورتونن ای صیقلی یایراق !
ای دالاری هریان چنار ایت نوحهده امداد ،
ایکلهت اکیان سازلری ای رعشه ویرن باد !
بن ، آریاغک روحه چوکش آجیسندن ،
انجق شو بوغوق سله ، سزای قارشیکی اورمان
بایقوشلری ، اکتیزه اک آجی سسلر کزله
فریاد ایدلمه سن ده ، قیرلمش سازم ، ایکله
هپ ایکله یلم ، حایقیرالم بدکه بو افغان
تأثیر ایدمک ربم ایدر چاره لر احسان .
یوق ، چونکه ، غریبه قلکک قهرینه حد یوق .
فریاد ایدموم ، کیمسه دن ایوا ... ! مدد یوق .
طویسایدی بو نالشلری ، کله ییدی اوسلطان !
اوپسه یدم اونک بن ینه کلکون ایاغندن [۱]
آغز مده بو ، عشقمندن اولوب کیزی نشانه .

[۱] اولجه بو بیت شویله ایدی :

طویسایدی بو فریادی کله ییدی اوسلطان !
جان بر اب اوپه یدم ینه کلکون ایاغندن !

روحمده قالایدی بریجک پنبه ترانه !

— اوزرندن خفیف بولوط کچن آیه باقدرق —

نوحهم سنی اینجیتدی ، ای کوکب نازان ؟

عفو ایت بنی ! اولدیردی بنی حسرت و هجران .

دامانکه دکدیسه بونالهم سنک ای ماه !

الماس قانادکله سن اولاشدیر اوکا بالاه !

یوق یوق اونی اینجیتمه یه سک ! آه ! نه چاره ! ..

یالکز بکا بر لحن اثری ایت اعاره .

— کوشکک پنجره لرینه طوغرو —

بیچاره فزیریک بو کیجه کادی وداعه .

ای حسن مجسم ! اولاسک ربه ودیعه .

اللهه امانت ! ..

— غریب بو « سهره ناد » کصوکنده وجد و هیجاندن

باییلیر . دوشدیکی یرده اویویاقالیر . —

برمدت صوکره اوزاقدن شاه صنم له آخه قیز کور نورلر .

کوشکارینک باغچه قاپیسندن چیقمشار ، جیپلاق آیاقلارینه

کچیردکاری اینجیلی نعلینلرله [۱] یاواش یاواش

ایلر یلرلر .

سَم

— آخه یه —

باق ، باق ! نه خیانت !

یاقش اویومش ، بنسه شو کوزلر ایکی چشمه ،

آغلار ، چیقارم هر کیجه حسرتله صباحه .

[۱] اسکیلرک کیدیکی بر نوع ساندال .

آخه

بن شیمدی آتبارسم بلنه عشق ایله تگمه
صیچر ارده یرندن ..

سم

دلی قیز! ایتمه ، صاقین ها!

آخه

— غریبک سازینی آلهرق —

[وزن : ۵ + ۳ ویا لکز تقراتده ۲ (۴) در]

کوشکندن ایندی، یورودی .

اویان آوجی! آوک کلدی ..

شوقی عالمی یورودی .

اویان آوجی! آوک کلدی ..

— خانمی باشدن آیاغنه قدر سوزوب کوله رک —

ایپک صاحیلری اورمه لی .

نخمور کوزلری سورمه لی .

اندانی بر کورمه لی .

اویان آوجی! آوک کلدی ..

الی ایاغی قینالی .

بالور قولاری صیغالی

— بو بورلنه رک —

یاننده قوجه صویالی .

اویان آوجی! آوک کلدی ..

سنم

ایکی کوزم آقجه ، کوزل ، شن کلین !
خولیاره طالمش غریب اویانماز .
نم اوکا عشقم کی پک درین
رویاره طالمش غریب اویانماز ..

سوداسیله اولدم دلی ، دیوانه .
او ، عقلی آلان ظالم اویانماز ..
اویقوسی ده ، بیله سکت ، بر بهانه .
او ، کوکلی چالان ظالم اویانماز .

— وجدور قتله —

غریب ! غریب ! آج اویقودن کوزکی .
یوقسه شیمدی اوپریم کل یوزکی ..
غریبسه دم ، پک اوزله دم سوزکی .
اویان ! غریب ! اویان ، الویردی بوناز ..

— آقجه قیز بوسره ده عاشقک اومرینه
ایلله طوقونور . غریب اویانوب اولا آقجه بی
صوکره سنمی کورر . —

غریب

آقجه قیز ! .. آه ! سنمیسک ؟ سنمم !

سنم

— ستمه —

یا کیم اولسون ؟ نم ، زواللی سنم .
سن اویورکن صفای خاطرله ،

صیزلایان ، ایگله یین فقط اصلا

کوزینی یومایان سنم ...

غریب

الله !

نه ستم ! آه ! سو کیلیم سنم آه !

سنم ! سن زواللی ها ! اونه سوز ؟

یوقسه طویدکی ؟ طویمادک .. برکوز

کور اولور آغلامازسه دردکله .

فقط ایوا .. ها ! کل ! سنم ! دیکله !

دیکله ، کوکسمده ، ووردیغک قلم

نه المر ایچنده چیریینیور !

نه یامان طالعیم بنم ! - ربم ! -

بکا طاس طاس زهر ، قهر صونیدیور .

فلکک یتیمور جفاسی بکا ،

ملکم بدن اشقباه ایدیور !

— آیه طوغرو —

ای ، سعادن کچوب الله کیدن

متظلم فغانمی ایشیدن

محرم راز ! سویله ، سویله اوکا !

سویله : بالله یمک کناه ایدیور !

— بر لحظه توقفدن صوکره مقامی دکیشدیره رک —

[وزن : ۲ (فعلاتن) ، ۱ (فعان)]

سنم ! آه ! حیاتم ! روحم !

بوکیجه — مرحمت ایت ! — مجروحم .
قسمت سوق ایدیور رومه بی .

سم

— هون متغیر اوله رق خلجانله —

نه ديدك؟ رومه می؟ کیتیمکی؟

— خلجاندن خفقان کایر ، بیتیره من —

آقجه

سبب؟

غریب

دیهلم بخر بوکا حکم کوکب .

یا ، قولای شیخی قازانق سنمی ؟ [۱]

ایجه

نه سبب ! اکلا یانه عشق اولسون !

غریب

بو صباح والدمیه ، یالواره رق ،

دیدم : ه ای والدم ! دنیاده سنمی

ملك الرحه یار آتمش بزه حق .

اوله بردرده گرفتار اوغلاک

که طاغیلماز جانه چوکمش آلمی .

چوزه جک عقده می انجق سنسک .

— سکا ویم نه دیلر سهک ویرسین . — [۲]

[۱] بومصراع اولجه شوبله ایدی : (قولای اولسون می قازانق سنمی؟)

[۲] یاخود : (سکا مولی چوق عمر لر ویرسین ،)

كيدنه جكسك، نينه، ماصلاقده غنى
 خوجانك كوشكينه، سودكسه بنى ،
 قيزنى ايسته يه جكسك ، آنه !
 « - هاي هاي اوغلام، كيدهرم، كل، امينه ! »
 ديدى، همشيره يى آلدى ، ايكيلى
 كيتديلر .. آنه كه آچش آنهم ،
 اوده كيتمش بابا كه بيلديرمش ،
 او، ديمش : « وارمايى ايسترسه سم،
 ويريرم عاشقه ، خوش شاهرمش ،
 همده ناموسلو چوجقدر ، بيليرم ؛
 سنمك قرق كيسه لكن مهرى .
 بونى بولمق بكا آرتق واجب .
 بو سفيردن كوزه آلدن سفرى .

سم

سكا قربان اولاييم ، كيتمه، غريب !
 سكا بن شيمدى .. بوساعتده .. همهن
 كتيرير، قرق كيسه آلتين ، كايرم ،
 بورادن بريره آيرلامده سن ..

غريب

بونى دنياده قبول ايتيم بن .
 بر قاديندن پاره آلتى ! او، نه ذل !
 بن قبول ايتسهم اكر منع ايت سن .

سودمن چونکه سنی اوپله کوکل .
— کندی شاشیره رق —

بکا احمد خوجانك اوغلى رسول . . [۱]
— هويتنى افشا ايتمش اولديغنىك فرقنه
واره رق ندامتله —

نه ديدم ؟ نه يسه شوهر حكمتدر :
كيمسه نك وير كيسنى [۲] ايمه قبول ،
بدلى جوهر حریتدر [۳]

سم

— بى تاب —

[وزن : مفعول مفاعیل فموان .]

محوم سنجه ديمك مقرر .
حسرت ، هجران ، اولوم مقدر .
سندك انجق بنم پناهم .
— يارب ! يارب ! نه در كناهم ؟ —

کوردم ، سودم سنی خیریم ،
حرمان اولدی بوتون نصییم .
اومدم سندن وفا ، صداقت .
چکدم هر کون جفا مشقت .
ایتمه ، ایتمه ! بوظایمی ایتمه ! [۴]

-
- [۱] یاخود : بکا دیرلر خوجانك اوغلى رسول . .
[۲] « وير كيسنى » يرينه « ويرديكىنى » یاخود « بخششنى »
ديك ده قابلدور . یاخود : « كيمسه نك لطفنى سن ايمه قبول » ده دنيله بيلير
[۳] « كيمسه نك لطفنه اوله طالب ،
بدلى جوهر حریتدر . نامق كمال . »
[۴] یاخود : « رب قائل دكل بوظلمه » یاخود «
كوكل راضيميدر بوظلمه ؟ »

کیتمه کیتمه ! غریب کیتمه !

غریب

تکدیر ایتمه غیری ، شاهم !
تشجیع ایبت سن که پک تباهم .
تقصیرم چوق . نه لازم افکار ؛
پک کیچ اولدی بوانقباهم .
بر مسرفدم کچن زمانده
بردرس اولدی بوکون کناهم .
ایلدن آلمق ییگیتلک اولسه
رد ایتمزدم شولطفی ، ماهم
البت برکون ایدرده احسان .
مسعود ایلر زی الهم .

سنم

[وزن : ۲ (مقاعلین) ، ۱ (فعولن)]

غریبیم ! پک غریب اولدی جوابک .
سنم ایلها ! بومی نازا خطابک ؟
سنم که عمرینک ذوق وغروری
سنک اولمقدر ای کوکلم سروری !

غریب

سنم روحم ، حیاتم ، مالیکمدر
که اونسنم بنجه هر وارلق عدمدر .
فقط کندیم قازانماز سهم حیاتی ،
حیاتمده بکا بردرلو سمدر .

دكلدو لايق وصالك اولماجز

كهمالى سىي خودمىز مغتەمدور .

سنىك يالگىز غريبه اعتمادك

بىنچىن اك بويوك لطف وكرمدر .

سنىم

غريبىم ، كرچه بونلر هپ ستمدر ،

فقط اسرك مطاع و محترمدور .

نه چاره ، نيت ايتمشىك ، كيدرسىك ؛

سلامتله ينه عودت ايدرسىك .

— ينه نادم و متلاشى تبديل مقامله —

[وزن ، مختلط : ۴ (۱) و ۶ + ۵ ذر .]

خاير ، كىتمه ! قارارىيور هوالر .

اوگىز قىش ، يارين ياغمور ، چامور ، قار ..

غريب

اونك ايچىن يوله بن بركون اقدم

چىقوب قىشدن اولگه ، دىيورم ، كىتسهم .

سنىم

— آغلايدىرق —

نه دىسهم نافله ، كار ايتيور آه !

مرادىك عكسى چىقيور ايواه !

دگه يىكىتلارده اولماز حقيقت .

وار اويله يسه رىم سلامت وىرسىن .

يارب ! رواميدر بو آجى فرقت ؟

ظالم ! نصل بنی صالوب کیدرساک ؟

وارسه یور کیکده بکا محبت

اوتوتما سنی تیزجه کله سین .

عشقک اولکی جانم منت

بیایرم ، هر زمان بونی بیلاسین .

— بوسرده آقجه آغلاماق ایچین قاچار . —

غریب

[وزن : ۲ (مفاعیلین) ، ۱ (فعولان)]

غریبک عهدی واردور تا ازلدن .

أولورده کوکلی آیرماز کوزلدن .

سنم

وای بکا !

غریم رومده دیرلر چوق کوزل وار ،

کورنلر مطلقا باشند چیقارلر .

سنمدن ، قورقارم ، سن واز کچرسک .

کیدرسک باشقه بردابر سیچرسک .

[وزن : ۷]

ظالم اورده قالیرسهک ،

سنمی محو ایدرساک .

باشقه برقیز آلیرسهک ،

بیل ، قائمه کیررسک .

غریب

آغلاما !

بىم كوكىلدىمە آچماز باشقىمە بىرگىل ،
 غىرىپىك يوق سىنىدىن باشقىمە يارى .
 صاچىكىدىن غىرى كىر قوقلارنىمە سىنىل ،
 اولوب بىك پارچە ، طاشلانسىن مىزارى .

لىكىن بىكە مىزدە سىن
 باشقىمە سىنە ۋارىرسەك
 اوكون اولور بىكولەك .
 آغلاما آرقىمە سىندىن .

سىم

غىرىپ ! بو ، نە بىتاندىر !
 بىم قىلچىم عىاندىر .
 بووجودى آتلىق سىن .
 سارارسىك ياخود كىفن ..

— يىنە مىتلاشى —

[وزن : ۲ (۴) + ۳]

فقط يىنە يالۋارىم سىكا بىن ،
 كىتمە رۇھىم ، كىتمە ساقىن رۇھىم سىن ،

غىرىپ

شاهىم ، بىن مىرىكە قارشى كىلەم .

سىم

— بىردىن بىرە سۆيىشەرك —

سىكا قىدا اولسون بىك كىرە سىم !

دیمك كه قالیورسك اك نهایت .
اولوتا کریم ! نه دولت ! نه عنایت !

غریب

ایواء ! اوپله دکل که .. رومه کیتیم ،
غریبه طوضرو پک اوقادار اوزانعام .
جنوب غریبی به اولادر کیتیم ؛
اومولورمش حلبده چوق قازانعام .

سنم

غریب ! کوکلک قاپالمی شفقته !
غریب ! طایانامام بن بو فرقته !
نه قاداد سوردهجک - رجم ! - بو حسرت ؟
نه زمان طویاجق قلبم مسرت ؟

غریب

سودیجکم ! مقدری بیلهمم .
لکن الم بوش اوله رق کلیم .

سنم

ایکی کوزم ! چالیش تیزجه عودته !

غریب

مولام ایریشدیر سین اوسعاده !

سنم

— تسلی وجسارت بولغه چالیشهرق —

قادر مولام کورییور حالزی ؛

آجی سین ده تیر قاووشدورسون بزی !
وداعلا شیر کن اورته پرده اینر
صحنه د کیشدیریلوب یکی پرده آچیلنجه یه قادار
موزیقه :

« آریلق » [وزن : ۶ + ۵]

« آنه ! بن یولجی یم ، کیده جک و قتم
کلدی . » دیدم ، هنوز ایسلیدی طاغلر ،
کونش طوغما مشدی ، سیدسلیدی باغلر .
کوکلده آتشی آجیلر چاغلار .

طول نینم ، یتیم قیز قارده شم آغلار .
کل یوزلر حسرتدن کول رنکی باغلار ..

یاپراغی طاغیلیمش چیچک باقدم :
بونی بوکوک دالده کوکلم کی زار .
صاراروب دوکولم نازلی یاپراقلر .
روزکار آجی آجی ایصلیقلر چالار .

قارشیدن کوروندی اواشم آغلار .
کل یوزی هجراندن کول رنکی باغلار ..

باشمه دیکندن برچلنک طاقدم .
غسیبک کوکسنی خنجرلر داغلار .
عجیبا استقبال بزه نه صاقلار ؟

روزگار آجی آجی ایصلیقلر چالار .

تشییعیمه چیقیش اوجانان آغلار .

کل یوزی کدردن کول رنکی باغلار . ۱۱

قاج کرملر بن ده دونه رک باقدم !

طاشلرک اوستنه بیقیله جقدم .

... دونه مدم آرتق خایلی اوزا قدم .

روحی او هجرا باغده براقدم .

چشمه نک باشنه کادی اغالر .

ربه اصهارلادم، اوغورلادیار .

قارشیلقلی اولدی خزین دعالر .

چیقدم یوله ، غریب، کول قان آغلار .

روزگار آجی آجی ایصلیقلر چالار ...

۱۱

مهم (قلمی بوقلام ، بایله جقمه
بوغاسی حسانه خفقان طاق
"ده کله" ده رآیلر
باغچه قادا کلمه آه اونانی یا
رونوب رونوب یاشی کولریم باغچه
ایله هجره اوسته میده باغچه
کلی ییزی صولر کولریم باغچه

اوچنجى فصل

منظره :

دلى محمودك قهوه خانىسى . غلبه لك . بر كوشه ده غفور . طوسون
وآبدال . غفورك آرقه سنده ايكي حال ، او كنده بر هكبه .

مجلس

دلى محمود ، ديكر حضار . غفور . آبدال . طوسون .
سو كره عاشق غريب .

محمود

[وزن : ۲ (۷)]

اغالر ، بوكون ستره سويله يه جك سوزم وار :
عاشق غريبى هر كس سومشدر بنم قادار .

حضار

عاشق غريبى ؟ آهوت ، هيمزده سوز
عاشقلر آره سنده اشي يوقدر ، شهه ستر .

محمود

وار اولك اغالرم ؟ شيمدى ديكله ييك بنى :
بيلير سىكز تفلير سىك اك خاندان زنى كينى
بوكون غنى خوجادر .

حضار

أهوت ، أهوت ، بيليرز

شهر هنك اك بويوك ايراد صاحبي غنى
خوجا . آنجق بغدادده بولورسيكز دنكى .

محمود

عاشق غريب خوجانك قيزينه كوكل ويرمش ،
قیزده - اويله ديورلر - اونى جاندن سورمش . [۱]

حضار

يا ! شاه ستمى ؟ او قيز گوزلارك شاهيدر .

محمود

غريبده جوانلرك ، عاشقلرك ماهيدر .

حضار

يك مناسب ، يك كوزل .. لكن غريب فقيردر ،
خوجامنرسه اغنيا شائى يك كوزه تير ،

محمود

أهوت ، خوجا قرق كيسه آغيرلق ايسقيورمش .
عاشقده بو پاره ي بولمغه كيدييورمش ،

حضار

كيدييورمى ؟ نه ديدك شاعر من كيمه سين ،
سازينه آليشديردى ، بزه يازيق ايمه سين .

محمود

اويله ايسه ، شيمدى بورده ، قرق اللى كيشى وارز .

[۱] ياخود : « ... غريبدن حظ ايدرمش . »

برر کيسه ويريسهك بو پاره يي طوپلارز .
ايشته بندين بر کيسه .

حضاردن بری

بندين ايکی .

ديگر بری

بندين ده

ياريم کيسه . دکلې ؟ هر کس حالته کوره .

— سکوت ايدن برينه —

نه سکوت [۱] طور ييورساک ؟ سويله سهك آبر ، سن ده .

ديگر بری

— ياننده کيلره ياواش سسله دانيشه رق —

بزم اون بشمزدن اون بر کيسه ، بريره .

قيده ايد يکيز .

ديگر بری

— ياننده کيلره فيصله اشه رق —

بشمز سگيز کيسه ويريرز

ديگر بری

— ياننده کيلره سويله شه رك —

بزده اونمز برر .

ديگر بری

بکاده بر ياز يکيز .

ديگر بری

بکا ايکی .

[۱] ساکت مقامنده قوالانيلير

دیگر بری

خی ده بر بحق یاز .

دیگر بری

— یاننده کیلری استمزاجله —

آلتیمز

ویریورز مشترک بر قلمده اوج کیسه .

غفور

افالر ، بز بو کون کلدک تفلیسه .

بو ، عاشق خریب دیدیککز آدام

نره لیدر ؟ عیب اولورمی سورسه م ؟

حضاردن بری

تبریز لیدر .

دیگر بری

نهیه صورده ؟

دیگر بری

سن کیسه ؟

غفور

بن بر رسول بک طانیرم تبریزدن ؟

اومی دیرم ؟ اوسیدن صوردم بن .

حضاردن بری

بواسنده تبریزی مرحوم احمد

خوجانک براوغلی وارمش ، دیرلردی .

عاشق غریب او ، ها ! نه مناسبت ؟

— غریب کیر . —

دیگر بری

ایشته غریب ! ایشته کندی ده کادی .

غفور

— باقهرق ویرندن فیرلایه رق —

تا کندیسی . . اقدملک او غلیدر .

مرحوم خوجانک نازلی رسولیدر .

— اوج یابانجی غریبه طوغرو سـکیرتیرلر .

غفور بکنک بویننه صاریابوب تهیجلاه کوزلرندن ،

طوسون ، محجوبانه ، آبدال صیرتیه رق ، الارندن

اوپرلر . غریب غفور و آبدالی قوجاقلار .

طوسونده التفات ایدر . —

آه ! بکجکم ، شکر بولدم بن سنی

بو یاشمدن صوکره ترک ایتدک بنی !

آبدال ، طوسون ، بن ، اوجیز برابر ،

اوج ییل اولدی ، طولاشماق هیچ بریر

قالمادی ، هرکوشه بی طارییورز ،

اوجان قوشدن صوریور ، آرییورز .

والده کدن ، همشیره کدن نه خبر ؟

اییلریا !

غریب

خوش کلدیگز ، اییلر .

— قاتر ورقتله —

نه قادار عنون اولدم ، بيلسهك ، لالا

— تجله —

ليكن چيقيورم بن يارين يوله .
آنامله قيز قاردهشم قالاچقلر .
قاليرسه كز آبدالله والدهده ،
كيتديكم يرلردن چاليشوب بنده
هر فرصته آز چوق برشيلر يوللار ،
نه اونلري ، نه سبزي ضرورتده
بيراقام انشالله [۱] . شيمدي ، دوستلرم ،
حقكزي حلال ايدك ، بن ايشته
هيپكزي الله اصابارلارم .
چيقيورم يوله صباح ايركندن .
خوشجه قالك . لالا ، آبدال ، بويوروك ،
بز آهوه كيدولم .

محمود

جانم آز طوروك

عاشقله كوروشيم [۲] بر دقيقه بن .

— دلي محمود غريبي تنها بر كوشهيه چكهرك
قرق كيسهيه نصل طويلايوب هديه ايتك
ايتدكلريني آكلاتيروبيري . كيمه يوب تفلينده
قلماسني رجا ايدر . غريب رد ايدر . رد
اشارتلي ياپديني كوريلور . —

[۱] ان شاء الله . (اينشالله) اوقونور .

[۲] (بلكه كوروشيم) ديكده ممكندور .

غریب

— حضاره توجهه —

اغالر اوستهم هپ اولان ایشلری
 آکلاتدی . تشکر ایدرم ، لیکن
 امرکزی ملوتمق دکلدور ممکن .
 شیمدی قبول ایتسهم احسانکزی ،
 برکون اولور بلکهده جانکزی
 صیقه جق یرقصور ، خطا ایشلهرم ،
 دیرسیکیز نه عادی ، نه نازمکور آدام !
 اوکون بن یرک دینه کچرم .
 آبدال

هی ، اغالر ! بکا باقک ! او ، بر بک .
 هیچ آلیرمی باشقه سندن او ، برشی ؟
 بن آبدالم ؛ بکا وبرک ؛ آلیرم ؛
 اولونجه یه قادار بورده قالیرم .

— حضار کولوشورلر . —

نه کولدیکیز ؟ بن ده سازدن چاقارم .
 اوکا سازی ؛ عاشققلکی او کره تن
 بو آبدالر ؛ انکار ایتمز او ، ذاتاً .
 هله ایتسین ! بر نفیسه یاقارم .

حضاردن بری

اوله یسه شو سازی آل ، دی باقالم ، [۱]

[۱] « دی » ، « هایدی » یورو ، باشلا مقامنده .

آبدال

— الله ساز آله رقی —

آلدی آبدال ، نه سویله دی باقالم :

[وزن : ۸ هجده در .]

تبریزك اشراقندن
احمد خوجا اولمشدی .
زمانك اجلاقندن
بر چوقلری اوشوشدی .
اوغلی رسول ، طوی برکنج ،
قانار هر بر یالانه .
اونار سه غایت ایکنج
فندلریله اوغلانه
سفاهت ایتدیردیله .
کوستروب درلو هنر ،
معدنی ایتدیلر .
توکتدیلر مالی .
مال بیتنجه کیتدیلر ،
صورمادیلر حانی .
هربری سایه سنده
ملک صاحبی اولمشدی .
جمله سنك کیسه سی
آلتینیه طولمشدی .
بکک دها او سنده

بویوک عزت نفسی
 واردی ؛ بردن قایب اولدی [۱]
 بزه خبر ویرمه‌دن .
 کیجه‌دن چیقمش یوله [۲]
 کیمسه‌یه سز دیرمه‌دن .
 نینه‌سیله قارده‌شی
 صاف ایکی خاتون کیشی .
 اونلری ده برابر
 چیقارمش یوله مکر .
 رهنده یدی آه و ، طوسون
 آلا جقلیدن آلدی .
 بو ، چوق کیتدی کوچه .
 اوکا ایتدم بر او یون
 که اوده شاشه قالدی .
 بورونوب بر کفنه
 کیردم جادی شکله ،
 کیزلندم بر گوشه‌یه ؛
 آورده یاری کیجه‌یه
 قادار او یله آچ ، صوسمز ،
 بکله‌دم سس سس ، صوص پوص ..
 او ، یانغه کیرر کن ،

[۱] (غائب اولدی) .

[۲] یاخود [بر کیجه چیقمش یوله .]

او گنه بیقیدم بردن .
 دوندی همدن سر سینه ،
 باشلادی تتره مکه .
 دیدم : « سن ، رسول بکه
 بونجه ایشار ایتشکن ،
 بو قوناقدن سنی بن
 بیراقیرمی یم راحت ؟
 ایشته سکا نصیحت :
 شیمدی ییقیل کیت ، همدن ،
 سکا شرم دکه دن .
 سو کفی بکه مده دی ؟
 برشیجک سویلامده دی ؟
 قوشه رق چیقدی کیتدی .
 بکه چی خرسز ظن ایتدی .
 قوغالادی برمدت .
 سسله نوب بن ، پر حادت ،
 اوشاقلری قالدیردم ،
 ارقه سندن صالدیردم .
 صو کره ایندم ، مو طواغه ، [۱]
 ییه جاک آرامقه .
 قارنی طویوررکن

برنس ایشیتدم ، برون ،

« - ایوا ، شیمدی طوتارلر . »

دییهرك كندی طار

نجره دن آلولیه

آتدم ، سورچوب قویویه

دوشمش قارا کلقد ،

أولیوردم آزدها ...

برحلقه چکدی اله ،

طوتشم جان هولیه .

بن اوکا آصیلیرکن ،

حلقه لی طاش یرندن

قوپدی ، دوشدم بردقه [۱]

ایاغم ایزدی صویه .

نه یسه طاورانوب ینه

چیقدم صویك یوزینه .

طاشك چیقدیغی یره

طوتوندم ؟ یاره ، یره

ایچنده قالدی بوتون

الارم . عاقبت کون

طوغدی ، باقدم ایچنه

طاشك قوپدیغی یرك .

[۱] « ده فا » اوقونور .

نه کوریم : برطار ، درین [۱]

سرداب که سردیوه نه

بکزر ، اینرده ینه

بیامم نه یانه چیقار .

طوپالانوب همین اوطار

دلیکدن طالدم ، ایندم ،

اون بش باصاماق قادار

واردی . صوکره سیلکیندم ،

قارشیکی باصامانلر ،

باقالم ، دیدم ، کیدر

البت یوکسک بریره

دوکه رک صوئوق ترلر

آیاق آتدم برکره .

أمله یوقلایه رق

چیقدم بر چوق باصاماق ،

وارمشم بر مخزنه .

مطلقا بر دقینه

صاقلامشاردر بوریه . [۲]

دیدم . لیکن نه ضیا

نده هوا آلا جق

[۱] (نه کوریم : بر درین) دیمک ممکندی . لیکن

تلفظی املایه ترجیح ایتدم .

[۲] یاخود (صاقلامشار بوریه)

بر منقس [۱] آ جامشله .
 دیدم . کیم چیقاره جق
 بنی شیمدی؟ هپ دیوار
 درت بر طرف . نره به
 قافای ووردمه طاش .
 کری به دونیم دیه [۲]
 چابالارکن ، پرتلاش ،
 الله بر ابپ کجدی ،
 چکدم ، ساچدن بر قاپاق
 آچیلدی . کوزم سچدی ،
 اورتالق ایشیبارق ، [۳]
 بر سورو چوملک ، چاناق .
 هر بری آچهرق ،
 باقدم : هپ بر آ ز صامان
 آلتنده برر کیسه
 آلتین چیقدی ، قوجامان ،
 دیدم ، شونلری کیسه
 کورمه دن ، شودایکدن
 غفورله آ لایلهسه !
 طاوان دکلدی یو کسک .

[۱] (منفذ)

[۲] یاخود (کری دونیم دیه)

[۳] (مخزن آیدینلانهرق) ده دینه بیلیر .

وقت هنوز يك ايركن
 كيمدى . طيرمانه رق
 دليكدن چيقا بيلم .
 همەن يره سريلم .
 سوينجمدن اولاجق ،
 باييلشم بر مدت
 آييلم ده ، نهايت ،
 كوردم اولديغم يري :
 باغچده كي حاووضك
 مرمرلرندن بري
 مكر مرمره اويغون
 بوياي ساچ قاپاقش .
 باقدم ، يري آب آچيق .
 خوجام اماقياقش !
 سني قويودن كيرده ، چيق
 كنارندن حاووضك ،
 عقله گلير شيمي ؟
 نايسه همەن جيه مي
 يايديم ، ياشدر ، قوروسون
 ديمكه امكان واردى ،
 منفذى ده قاپاردى .

ديركن طوسون كوروندى ، [۱]

[۱] (كوروندو) تلفظ اولونور .

آلدی غی اوزونتو ،
 کلدی دردینی یاندی ،
 حالی پك پریشانندی .
 دیدم : « چابوق ! غفوره
 خبر کوندر ، تیز کلسین ،
 یاخود کیت کندك آرا
 او ، سنك دردك ایچین
 بر چاره بولور البت . »
 قانوب کیتدی عاقبت ،
 پك چوق کیکیمه دیلر ،
 اختیارله برابر
 کلدیلر ، دیدم : « نیجه
 غفورله بن بو کیجه
 قوناقدنه قالمالی یز ،
 جادی یه یالواره رق
 بر دستور آلمالی یز .
 سن یارین صباح انجیق
 کله لیسك ، شیمیدی کیت ،
 اوشاقلرده صاووشسون ،
 کیتسینلر هپ ، تنیه ایت
 صاقین ، بواقشام ، طوسون ،
 کله یه سك ، جادیلر ،
 صاغلام ، آدمی چارپار .

« — کلم ، دیدی ، « سز قالک ،
 « تەك اوندن دستور آلك ،
 « بن قهوه ده بکلم ،
 « پیکمه پینکلم ،
 « اوشاقلرده کیتسینلر ،
 « سزده نه قادار هتر
 « بیلیرسه کز ، صرف ایدک ،
 « شو جادی نی دفع ایدک ، [۱] »

غریب

« قیسه کس ، قوزوم آبدال ،
 پک اوزادی بو ماصال

آبدال

ماصالمی ؟ نصل ماصال ؟
 سوزمی سن بر خیال
 صانیورسک او یله می ؟
 اشته غفور! بویله می ،
 دکلی ؟ اشته طوسون !
 وای ، بکمز ، عشق اولسون !
 یالانجیمی هپ بونلر ؟

— جیبندن بر کیسه چیقاوره رق وایچنده کی
 آلتینلری کوستردی —

[۱] « دهف ایدک » دییه تلفظ اولونور .

آلتين دىلى شونلر ؟
بويله تام يوز بر چيىقن
صايدق ، ھېسى دە آلتين .
غفور ، شوھكېيى آچ ،
بكمزده صايسين قاچ
كيسە وار ، اغارده

— حضارك جملەسى ھكېيە طوغرو كيدورلر
غفور ھكېيە آچار ، ايچندن يتش بر
كيسە چيقار . اونر كيسە دە اوچ
سياحك اوزرلرنده ايمش ، چيقاربرلر .
ھېسى تام يوز بر كيسە . حضارك
جملە سنده حيرت ومسرت . —

بكم ، ياغمورده ، قارده ،
اوچ يىل اولدى ، قاچ ديار
طولاشدق بو خورجملە بز

غريب

سزنى سورسيكيز ،
البتە نى ارار ،
صورارسيكيز . يا ، طوسون
سزە آرقاداش اولسون ،
يونى آكلامادم بن
آبدال

يا ، سويلتمەدكە سن !
بو ، جادينك امريدر ،

آبدالك بر فمگريندر .
چادی دیدی که بکا :
« سويله يارين طوسونه
« احمد خوجا قانندن
« بر آرقاداش آلمادن
« بو قوناقدى قالاماز ،
« بندن امين اولاماز . »

طوسون

گرچه بك كنهكارم ،
لكن ايتدم ندامت .
بكا توبهم ، اقرارم
قازانديرر مرحت .

آبدال

ايشته ، رسول بك ، ايشته ،
باباك دفينهسى !
طوسونى ده انشته
ياپيوير .

غريب

هيچ آننهسى

امينه يي ويريرمى ؟

آبدال

آكلا تيرم بن اوگا .

سن او اسکی طوسونه
بکزه تته بو طوسونی
آبدالك بر اویونی

— بیلیم که بر سحر می ؟ —

اصلاح ایدوب خوینی
تام طوسون ایتدی اونی .
خطاسنی آکلادی .

بیلسهك نه چوق آغلادی !
او، ینتی مقیم کی ،
همته قاسم کی

دنی ، وجدانسنز دکل ،
هیچ ده اذعانسنز دکل ،
نادم اولدی کرچکدن ،
سودی سنی یوره کدن .
امینه یه ککنجه

خور [۹] باقازسه بو ککنجه ،
امینم ، مسعود اولور ،
آنهكده خوشنود اولور ،
بکا دعا ایدرلر .

اوچ ییل چونکه برابر
دوشدك قالقدق ، هر حالی

[۱] خوار

ممنون ایتدی آبدالی .
بن اویله قولای آدام
بکنم .

— غفوری کوستره رک —

بیلیر اوستام .

قیزی او ، خصوصیه
کورمش مش بالوسیه .
او کوندن کوکل ویرمش ،
چوقدن بهری سورمش .

حضار

اویله یسه یاقین بر کون
کوره جک چیفته دو کون .
غریب

[وزن : ۲ (۴) + ۳]

پکی ، لیکن یالکز نشان دو کونی .

بن مطلقا چیقمالی یم سفره .

قو قلامادن بن تفلیسک کلنی ،

غریبتلره کیتمه لی یم ، نه چاره ا

— غفورله آبدال اعتراض ایتک

ایسترلر ، میدان براقاز . —

بن بابامک میراتی ، دوت بیل وار ،

بیتیره لی ، شیمدی چیقان پاره لر ،

بابامک ده اولسه ، نیم صایلاماز ،

والده مدن، همشیره دن استقراض
ایدوب چیاغین کی اسراف ایتدیکم
پاره در بو، اونلره ویرمه لی یم .
نینم بر طول، قیز قارداشم بر یتیم ..
— غفور، طوسون و آبداله —
شیمدی کلک، والدینی کوره لم .
طیش برده اینر .
ایکنجی قسملک صوکی .
تنفس



اوپنچى قىممەتلىك اشخاسى

عاشق غەرىب (رسول بك)
دلى سليم
حلب پاشاسى
پاشانك باش شاعىرى
پاشانك دىگر شاعىرلىرى
پاشانك كەيامى
پاشانك امير اخورى
آبدال
حلبلى شاعىر قىياقتىدە ،

قەھۋە مىشتىرلىرى . پاشانك
خىدم و حشمى .

اوچنجی قسم

— حلبدہ . —

برنجی فصل

منظرہ :

عاشق غریبہ دلی سلیمک اورتاق اولادقاری منتظم قہوہ خانہ .
برچوق مہتری . برپاندن یکی مشتریلر کلیر .

مجلس

غریب . دلی سلیم . باش شاعر . دیگر شاعرلر .
حضار یعنی مشتریلر .

غریب

— النده ساز —

[وزن : ۸ ہجہ .]

جوشدی عاشق دلی کوکل ،
سکا کادم ، حلب شہری !
آہ ! تفلیسدہ قالدی اوکل
سکا کادم ، حلب شہری !

یادی چیقماز هیچ کوکلدن .

آیرلدم بن اوبیلدن ،
زانی قتمرلی سنبیلدن
سکا کلام ، حلب شهری !
— حضار اوقادار چوغالیرکه بر چوغی
آیاقدہ دیکر لر . بو اثناده پاشانک
شاعرلی کلیر لر . —

باش شاعر
بورایه بر شاعر کلش ،
آدی غریب . کنج ، کوزلش .
امتحان اولق ایسترز .
اونی مطلق حبیط ایدرز .

دلی سلیم
ایشته میدان ! بویورو کز .
هنر کز عیان اولسون .

غریب
— صاندالیه ویره رک —
خوش کلدی کز اوطورو کز .
غریب سزه قربان اولسون .

باش شاعر
— اوطوره رق وسازینی انه آله رق —
آناسندن شاعر طوغمش
بر طوغانم ، شاعر طوغان .
یا ، شو غریب نصل بر قوش ؟

شاهینم ، باق ، ایشته میدان .

سسملر : ایشته میدان .

غریب

آه و مت ، یارالی بر قوشم ،

یارالی ، هم جان آه و نندن .

وطنندن مهجور اولمشم ،

کارم بوتون آه و شیون .

سسملر : آه و شیون .

جان آه و مدن و ورولمشم ،

آیرلمشم بر کوزلدن .

بیلمیورم نه طوغمشم .

لیکن عشقم وار ازلدن .

سسملر : لیکن عاشق ازلدن .

عشق اولسون شاعر !

بر کوزل که آیله کونش

کیجه کوندوز اوکا بر اش

آرارلرده بولامازلر ،

کچر قیشلر ، کچر یازلر .

سسملر : نه کوزل !

بن او قوشم که باغری قان .

یارالامش یارالایان .

آهو کوزلی شن بردلر

تا قلبه سوقش خنجر .

سسار : مدد !

یا کیلوبده بختی ، بر کون
یوزی کولسه مطلق بوتون
بریل آغلار طولار کی .
دنیا دن برغم نصیبی .

سسار : زوالی شاعر ،

دنیا دن غممش نصیبی ،

حضارک برایکیسی آغلار ،

أه وەت باغسری قانلی بم بن
اوزاق دوشدم سودیکمدن .
صارامادن اینجه بلی
دوشدم سکا ، غسبت ایلی !

سسار : هی ! مدد !

کولوشی نه یاقین جانە !
اوپه مدم قانه قانه .
قربانم او فدان بویه .
سومدم طویه طویه .

سسار : واه ، بیچاره !

أه وەت ، بن حسنک قربانی ،
عشق شیدی بر فانی .
قیر منکشه سی ، یبانی

کلمه قبرمک نشانی .

— حضار بربرلینه : « - نه دیور ؟

» — بو اوله دئی قبری کیرمش ؟ - صاغ

» — آدمک قبری اولورمی ؟ - خاییر،

» بو اوله دن اولمش . - موتوا قبل ان تموتوا

» سرینه ابرمش اولمالی . « کی سویله نیرلر

قبرم بنم شوتمدر .

دریم بیاض کهنمدر .

روح اونمکدر ، تن بنمدر .

بر کورم ؛ او ، یدنمدر .

بر سس : « کیتدجه درینله شیور .

اه ووت ، کرچه بر وارم بن .

وارمی یوقی بر سویله تن ؟

ماشق ، اونی صورما بندن .

بر سس : « پاشاک شاهرلرندن

صورالم . «

عرفانلری بندن چوقدر .

دیمزلر وار یاخود یوقدر .

قلبه ضایلی آئین او قدر

آهن مدن کتیرن قانی

بر سس : « نصل قان ؟ آهن نده

قان کورمیورم . «

قان تو کوزور کن برورم

بندن دردلی در دیه مم .

آه ای کوکلم ! .. آه ای ستم !
ینه آ کدم او جانانی
بر سس : « ایش اکلاشیلیور . ستم !
نه کوزل اسم ! »
اچدم سکا جان آه وینی ،
سنم ، کل شاد ایت بی .
مولام مسعود ایتسین سنی
ویر ، قوقلایم ، ویر آلکی .
سسار : ویر آلکی !

آه ویت ، کوکل ام هانی
کوشکی اولسون ، نا کهانی ،
کورون روحه ، کل ، نهانی ،
کوستر ایپک صاچلر هانی ؟
سسار : هانی ؟

هانی او ، کل کل یاناقلر ؟
هانی او ، بابل دوداقلر ؟
اوستنده سنبل صاچاقلر
ترهشن الماس شاقاقلر ؟

بر سس : « سوکیلینک شاقاقلرینه
دوکیلین زلفلری . »
هانی او ، الا کوزلرک
مخمور مخمور سوزولوشی ؟

ايىچى ايىچى بر كو ترك
نازلى نازلى دو كولوشى ؟

برسس : « بۇدە لاقىردى سويلايشى
اولاجق . . »

هانى سودالى نىكاهى
اك ائىرى ، اك اللى
بر بورونچك كى سوزن
كيزىكلك ؟ هانى غمزەك ؟
سسلىر : هانى ، هانى ؟

او غمزەك كە بر كو كادە
ايپك رەشەلر قوشدورور ،
بەئضاً طالغەلر جوشدورور
يا وولقانلر طوتوشدورور .
سسلىر : مدد ! امان !

هانى شن شن اوتن خندە ؟
اونازنين تېسىملر ؟
ترىملى تېكىملر ؟
او ، بوسشلى ترىملر ؟
سسلىر : تېسىملر ، ترىملر .

هانى اميد تللىرىنى
مضرابلايان يان باقىشك ؟

هانی زووعه هپ شیونی
یا یان طارغین قاش چاییشک ؟
سسار : مدد الله !

هانی بکا : « غریب ! » دییه
التفاتک ، نوازشک !
ینه بمضاً « غریب » دییه
ستمیرک ، سرزنشک ؟
— حضار آرم سنده آغلایانلر چوغالیر . —
هانی هانی اوصوک کیجه ،
او وداعک ، یاشلی کوزک ؟
بر تکرار ایت ، کل ، مخفیجه ،
هانی هانی ، آه ! اوسوزک ؟
سسار : یاشا ، عاشق ، سن اولمه ،
یاشا !

باش شاعر /
بو عاشقک شعرى هجران .
هیمیزی ایتدی کریان .
بتم شعرم شطارتلی ،
کولر یوزلی ، مسرتلی .
سسار : «دها ای [۱] یا ! سوبله ! »
ممشوقه مک صاحی قارا ،
کوزی قارا ، قاشی قارا .

عربستان کوزلاری
کوکلمرده آچار یار !

سسار : « آفرین . »

جیلانمه غزال دیرلر .
غزاله ماوال دیرلر .
یاللی یاللی [۱] غزللاری .
بن مفتونم عربلره .

سسار : « یاللی یاللی ! »

مراقلری دوه قیصر اراق ،
سلاحلری قیلیج منراق ،
از کیلری ، اکثر ، شاقراق ،
بعضاً یانیق ، ینه قیور اراق .

سسار : « اویناق اویناق . »

غریب

ات و قیسراق ، قارغی و اوق ،
برتورک ایچین بونلردن چوق
جانه یاقین نه وار ذاتا ؟
چوق بکزه درز بوجهتدن .

سسار : « طوغرو ، طوغرو . »

ییکیتدیکجه بویله اقران ،
حق یولنده یولداشلر .

[۱] یاللی .

برلشدير مش بۆي قرآن ،
تورك عرب اوز قارداشلر ،
سسار : ياشا ! قارداشلر ،
قارداشلر . »

باش شاعر

بن ده بوني ديه جكدم .
تورك اوغلي تورك بابام ، جكدم .
عربلرله جان جكگز .
آيرماز برادرلر .
سسار : » بر اوو ! كيمسه بزي
آيراماز . »

باش شاعر

ديرم : وصلت شاعري يم ،
شوخ مضمونده استادم بن ،
كوزلارك شاعري يم .
عرب ! بر بندن ، بر بندن .
سسار : » مشاعره بويله اولور .
باشلايك .
كيجه روشن ، كوكلار شن .
مهتابيدر يره دوشن ؟
يوقسه نازلي خنده كيدر
ايدن كوكلاري گلشن ؟
سسار : » كوزل . »

غریب

کیجه تنها .. بر بن برسن ..
سنی اوپسهم ، نئی اوپسەك !
دیسهم لبك كالدنمیدر ؟
جواب ویرسه او كابوسەك ! ..
سسار : « بو دها اینجه ، دها
عاشقانه . »

باش شاعر

باقی شنلندیردی اوزوم .
کل کیده لم ایکی کوزم !
جیلان کی صیچراده کل !
قورواقدن اوغراده کل !
سسار : « بوده کوزل . »

غریب

طاغده چیچك اوبك اوبك .
باق ، نه قادار چوق كلهك !
اتککی طویلاده کل !
ویر الکی هوپلاده کل ؟
سسار : « بو دها طییی ،
دھا صمیمی . شیمدی ده
غریب باشلا سین . »

غریب

[وزن : مفاعیلن مفاعیلن مفاعیلن فغان]

بولو طلرك آره سندن كولومسييور كن آي ،
 گريبلدی ، ايكله دی عشقك النده ظالم یای ،
 بر اوق ائیری دملوب كلدی قلبه صاپلاندى .

باش شاعر

او حسن آلهه سی کولدی ، وجودی عریاندى .

غریب

باموق و طومبول آووجلر ایچنده نازلی چکه ،
 و یروب آغیرانی دیر سکاريله دیزلرینه ،
 یشیل چمنلری زانباقله هپ دوناتمشدی .

باش شاعر

اوموز ، باجاق هواده ، قارنی اوسق یاتمشدی .

سسلر : « اویله میدی ، غریب ؟ »

غریب

نه سحر ایدر او اصیل التوالریله وجود
 ایدوب ، کورونجه ، کوکل وجد ایله رکوع و سجود ،
 دیدم : « بدیعهلرک ، ای آله ! نا محدود .
 فقط نه کوکده کی ییلدیز ، نه جنتکده کی حور
 نیم خیالی ایتمز شوتن قدر مسحور .

خاییر ، نه آی ، نه کونش ، ای کورونمه یین مسجور !
 نه بونجه خارقه ؛ شکرک ایشته ، ای معبود !
 او طالع طالع سمندن لیمده قالدی سرود .

باش شاعر

[وزن : ۲ مفتعلن (فاعِلن)]

بنده اولایدم اگر بنده ایدردم سچود .

حسن الهی لقا شاعری تهیج ایدر .

قدرتنه خالقلک کرچه بولونماز حدود ،

نجیه کوزل بر قالدین هپسنی تتویج ایدر .

غریب

[وزن اصلیده]

سمن دینیلسده سوتدن بیاض او سینهنه ،

صدف اوموزلره ، زانباق وجود سیمینه ،

قالیر اوج اکیکی اک آز بودرلو تشبهک .

اوپنبلک بریسی اوج اساس تنزیهک ،

ایکنجیسی اوحرارت ، اوچنجیسی اوخرام ،

اویال وبال ، اوتعوج ، اوارتجاج غرام ..

— بر لحظه توقفدن صوکره —

کوروب شغفله کولومسر نگاهه کل تنی

سلاملادم ، اکیلوب ، اومزینک او ، تک بنی ..

سسلر : « سلام ! یا سلام ! »

صاقینمق ایسته یئرک صانکه چپپلاق اکیسه سنی ،

باش شاعر

براقدی کندنی ، عیрт اوستی دوندی . اوزمه بنی .

سسلر : « هپسنی سویله . »

غریب

آچیلدی کوکسی بواڭنادە قیشقیروب مەلر ..

یاپیلدی عطری اوجلاڭ

باش شاعر

تزیه ، مشکین ، تر ..

غریب

سزنجە بوسەسنى اشتياقلى لېلرەك ،

كۆزىنىدى ھەريانى رەشەلر تىن نرەك ..

سەلەر : « آھى ! ھا ! »

« غریب ! ایتمە ! » دیدی ، برکیك قادار چالاک ،

قاچوب براقدی نى روتخاک ، سېزەم چاک ..

باش شاعر

نېچىن قاچىردەك آقارداش ، امان ، يېشى ، ياڭالا .

غریب

خایر ، او ، جیلانیبدو تورکک اووما ، سىن ، اصلا ! .

باش شاعر

[وزن : فەلاتىن مفاعىلن فەلەن]

شىمەدى آرتق تېجىم ایتىدى بوتون

خەتلەرى ، رەزىكلەریلە اولغون ، شىن

حەسلى ، سودالى دلەرى تورکک .

ساندە قارشىمىدەدەر او طولغون تىن .

سن بووادیده ایدوب غلبه
بزی ایتدك حقیقه مهوت .
نهیه كلك ، آقارداشم حلبه ؟
بكا آرقق دوشن شنا وسكوت .

— حضارك آلتیشلری آره سنده
قوجا قلا شیرلر . —

غریب

[وزن : مفاعان فملائن مفاعان فمائن]

توجهك غریب افتخار ایدر ، شاعر ،
فقط بویولده دكادر سنك قدر ماهر .
مجرد ارزو كه مبنی کیروب مشاعریه ،
نهایتده دو كولدك بوشن مناظرهیه .
نه سویله دمسه بن ایواه ، کهنه ، خاییده ،
نه سویلد كسه سن اما ظریف ، نادیده .
غریب خیالكة ویرمش سنك قاناد ، پرواز
ایدر اونكه ؛ صانیرسك حقیقه شهباز .
سنكه آت باشی کیتك بوشوخ وادیده
قولای دكادی . اونكه چین بر آز مبادیده
حقیقلدم . اولماسه قارشیمده بر بویوك استاد ،
اصل ترنم ایدردم بودرلو شاطر ، شاد ؟
كه بن جهانده غریب ونالدر کارم ،
وطن گوزمده توتر ، آه ، اوزاقده دلدارم !

فقط دمین دیدیکیز : « دلبری بودر تورکک .
 خاییر ، وچوده تعلق ایدن اولوچه بوتون
 محاسنیه دکلدرد او حورک آراسته .
 اصل بدایعنی شیمدی دیکله ییک ، ایشته :

[وزن : مفعول مفاعیل مفاعیل فمولن .]

عفت باشنک تاجی ، شرف آلتنه هاله .
 شهبانی صارمش مالکیت اونها .
 کور صاحبزینک شانه الماسی نراحت ،
 معصوم باقیشدن سوزولور نازونباخت .
 کیرپیکرینک سوزدیک عصمتلی نکاهی ،
 عشقنده وفا کارلغنک جانلی کواهی .
 تقلیدمه قالان دلبری آ کدمینه .. هیئات !
 باش شاعر

ایلر او کوزللاک دم بوعشقه کله مباہات .

بر شاعر (شیخ موصوف)

[وزن : ۷ هجہ .]

بزه سوز دوشمنز ، فقط

سویله دیکیز بر ساعت :

هپ کوزلار ، سودالر ،

صالینالر ، ادالر ،

شعر بونلرمی ساده ؟

بندہ بشقه افاده

وار : فلسفه ، تصوف

بکا دیرلر : شیخ موصوف .

حضار

أهوت ، أهوت ، فیلسوف . [۱]

موصوف

أرنلر الندن طولو ایچمشم ،

بولانیق چایلری آقوب کچمشم ،

سردن کچوب طریقمی سچمشم .

فیلسوفم چیقمام طوغرو یولدن .

حضار

فیلسوفم چیقما صاقین یولکدن .

موصوف

چیقدم باغه اونده ییادم اوزومی .

حقیقتله بسلهدم بن اوزمی .

غفلت پرده لندیرمشدی کوزمی .

پیر یتیشدی بردن طوتدی قولدن .

حضار

پیزدر طوتان هر درویشك قولندن .

موصوف

باقدم ، بوموجودات برر گولیکدر .

یالکیز او وار . اویالکیز ، بوتون وبر .

[۱] عرب تلفظیله : « فه یله سوف »

وحدت، کثرت، سراسرار، مظاهر،
هپسی هپسی بر نقطه ده برله شیر .

حضار

یا، اونقظه ؟ .. آ کلات بزه او، نه در !

موصوف

سویله مشدم اوکجه ، دیدیلر : « کافر . »

غریب

اونقظه نه در اکر عشق دکاسه ؟

معرفت مطلع اولمقدر نفسه .

سر خلقت عیان اولماز هر کسه ،

عشقی طامایان بیله من او، نه در .

کونش اودر بر شعاعیدر جمال .

اونکدر ازل ، ابد ، جلال، کمال .

بن باشقه وجوده ویرم احتمال .

ایستر، زندیق دییگیز ، ایستر کافر .

— موصوف بر شی سویلك ایستر

باش شاعر میدان ویرض —

باش شاعر

فیاسوف ! آچدك خطری بر وادی ،

بر قهوه ده اولور نزاعه بادی .

نصل انکار ایدرسیگیز موادی ؟

پاشا بکار بزی ، کیدم هادی !

— غریبه —

[وزن : مفعول مفاعیل مفاعیل فموان .]

ای سو کیلی شاعر ، کیدم ارتق . اذن ویر .
اقشام اولیور چونکه دیدم یا ، پاشا بکدر .
الله امانت اولو کز .

غریب ، دلی سلیم و سائر حضار
عز و شرفله .

دلی سلیم

— چکجه یی یوقلایه رق کندی کندینه —

هر کون طولار آرتق ، اومارم . چکجه بویله .
اورته پرده اینر .

یکی پرده آپیلنجیه قادار

موزیقه

[وزن : ۲ مفعلمان ۱ فاعلن]

کوزلرک آیدین ، کوزم ، چوق شکر ،
کولدی یوزی بختمزک عاقبت .
یسره مبدل اولیور ، باق ، عسر .
کولدی یوزی بختمزک ، عاقبت .



ایکینجی فصل

منظرہ :

پاشا قوناغی . ثروت و احتشام . حلب قماشاری . دبدبہ و دارات
خدم ، حشم .

مجلسی

پاشا غریب . دلی سلیم . باش شاعرین ماعد اشاعرلو .
حاجلی بر شاعر قیافتندہ آبدال . گہیا . امیر استور .
توابع .

غریب

[وزن : ۶ + ۵]

یدی آی اولیور ، هر کیجه سزه ،
پاشام ، ساز چالارق او قورم دستان ،
قہرہ دہدہ هر کون اہالیگیزہ .
اوصاندر مشمدر آرتق سازمدن .

پاشا

خایرہ اوصانمادق ، اوصانمایزده .
بو خام لافدہ کیمدن اولیور پیدا ؟

آبدال

— حېلى شاعر قياڻنده —

خاير، پاشام، بزلر چوقدن اوصاندى .

بزده شاعرز ديمكدن اوطاندى .

قاباق طادى ويردى غريبك سازى .

ويرك ايستيورسه كېتمك اذن .

شاعرلر

— باش شاعر حاضر دكادر —

آفرين آرقاداش، طوغرو سويلدى .

چكيلمز اولدى شو غريبك نازى .

قېه خاننده كى طاش اوطه سنده

يدى طولاب آلتين ...

پاشا

نه وار؟ اولور آ .

سازينك حقيدر مبارك اول .

شاعرلر

بزمده سازمى .

پاشا

غريب ؟ او اوطه ،

حلبده قاليرسهك بر قاج آى دها ،

آهنينه قادار

آلتينه طولار .

غريب

پاشام ، الله عمرلر ورسين سكا ،

پاك بويوكدر لطفك ، احسانك بگا .
لكن اذن ويرده آرتق كیدهيم .
پاشا

— حدتله —

اذن ويرم ، ويرميورم .

غريب

— كندی كندینه —

نه دهيم ؟

— آبدال ياواشجه غريبك انه برکاغد ويرد ، —

غريب

— کاغدی اوقويوب كوزلری ياشاره رق —

[وزن : ۲ (۴) + ۰۳]

افندم ، سن قيل صرحت حاله .

كلسين ديه اصارلامش يار ني .

تيز قاووشدور اهلمه ، عياله .

كلسين ديه اصارلامش يار ني .

ينه بهار اولدی ، طورنه دوزولدی .

باغه بابل كیردی ، غنجه سوزولدی .

يازيورلر : « سنمك پك اوزولدی » .

كلسين ديه اصارلامش يار ني .

غريب سويلر درديني ، درمان آرار .

پاشام ، لطف ايت ، غربي چراق چيقار .

تقلیدسده بر نینهم ، بر همشیره م وار ،
کلسین دییه اصهار لامش یار بی .

پاشا

— یوموشایه رقی —

غریب ، سنی بر وقتده صالم ازدم ،
سکا بدل اون بیك کیسه آلمازدم .
لکن جبری آلیقویعق ایسته م .
سلامتله وار کیت ، شاد اول ؛ هم سنم
مسعود اولسون هم والده ک ، همشیره ک .

— امیر اخور اغایه —

بر کیلان آت حاضر لات ، افا ، سن .

غریب

— پاشانک اتکنه وار هرق —

[وزن : ۲ مفاعیلان ، ۱ فعولان]

غریبک کوکلی سنی ایستدک آباد ،
خدا ایقسنین سنی صحنله دلشاد .
ایدوب اقبالکی عمر کله هنر داد ،
خدا ایقسنین سنی دولته دلشاد .

— تکرار پاشانک اتکنی اوپر . —

پاشا

[وزن : ۸ هجیه .]

وار اول اوغلم ، وار اول اوغلم .

بك زياده غمون اولدم .
حق يولكي آچيق ايتسين

— كهيايه —

كهياهن تشديعه كيتسين .
— غريبك آلندن اوپهرك حرمه كينمك —
اوزره چيقار . —

غريب

— چيقمازدن اول پنجه دن شهره مد نظر
ايدهرك —

كلام ، كوردوم ، كيدييورم .
شن اولاسك ، حلب شهرى !
دعاكى ورد ايدويورم .
شن اولاسك ، حلب شهرى !
نعمتكدن مستفيدم ،

حلال ايله ، حلب شهرى !
چوق طوزا كميككى ييدم ،
حلال ايله حلب شهرى !

طيش برده اينر
اوچنجهي قسمك

صوكى .

تنفس



دردنجی قسمك اشغامی

آبدال

آجقه قیز

غریب (رسول بك)

غنچه قم

جاریه .

شاه سنمك والدہ سی .

بویوك خانم

دعوتلی خانم

غریبك والدہ سی خانم اقدری

شاه سنم خانم

غریبك همشیره سی .

امینه خانم

دو کون خلقی . جاریه لر . خلایقار . خواننده لر .

سازنده لر . کو کیلرک . شعله لی زفاف آلاپی .



دردنجی قسم

— تظہیر —

فصل

منظره :
بویوک و منتظم بر باغچه ، تزیینات ، خانملرہ مخصوص بویوک بر
چادیر ، چادیرک بر گوشه صندہ پردہ ایله بولونمش سوفره محلی .
سوفره لر .

برنجی مجلس

آبدال ، آقجه قیز ، صوکره غریب (رسول بك)
آقجه

— هم ایشیله مشغول اولور هم سویلر . —
هادی ، چکیل آبدال بوردن .
ایشم بك چوق ، طوتما لافه .
آبدال

قوللارك صاف شوبلوردن .
دردم بك چوق ایتمه جفا .
آقجه

هادی ، هادی ! چکیل شوردن .
وقتم یوقدر اوزون لافه .

آبدال

شوگردانك ، بالله ، نوردن

برپارچه در ایتمه جفا .

— قیزك ا كسه سندن او بئكه چالیشیر . —
آقچه

— صاقینه رق و آبدالی ایتهرك —

چیلدیرومکی ، آبدال ، یوقسه ؟

نه یابالم دروك چوقسه ؟

آبدال

درمان ، درمان . جاسم ! درمان .

آمان ! درمان . روحم ! آمان .

آقچه

درمان ! اوکم ؟ بیله مدم .

کیت آرا ، سن بول بیکیدم .

آبدال

بن کیدوب بئک سویلرم ،

سن ده خانمک سویله ،

آقچه

بکی بکی . نه ، سویلرم .

باشمدن کیت بر ، سن هله .

آبدال

قوزوم آقچه ، جاسم آقچه !

ایکی کوزم خانم آقچه !

سن آبدالی آبدال صایما ،
« یکی » دییوب باشدن صاوما .
آووتاییم دیعه صاقین !
آلداتاییم دیعه صاقین !
آقجه

قوزوم آبدال ، جانم آبدال !
اوقوما سن بکا ماصال ،
بزم کبی ایکی چیپلاق
حمامده یاقیشیر انجق ،
آبدال

دها ای یا ! اوخ ، نه اعلا !
چیپلاق چیپلاق ! عمر ! صفا !
آقجه

زوزکلی آرتق براق !
دوکون یایمق بزه اوزاق !
آبدال

بیلمزمیسک ؟ غریب قوشک
یوواسنی الله یاپار .
آتجه

غریب بشقه .. آبدال بشقه .
قوزوم آبدال ، یتر شاقا .
بیلمزمیسک ؟ اوقومشک
حالی باشقه ، سوزی کبار .

آبدال

سن خور کورمه آبدالیکی .
آقجه ! سنک هر حالکی
پک سومشم ، چونکه .. دلبر .
آلایکده آزارکده
التفاتک کی .. شکر .
کر چکاکده لطیفهکده
هپسی خنده ، هپسی خنده .
کوجنمهکده ، اکلنمهکده
هپسی خنده هپسی خنده .
ریم ویرمه سین هیج کدر ،
دنیا دکل امورکده .
آقجه

ایکی کونلک عمر من وار .
بوننی بیلن ایتمز افکار .
صورت آصوب اکشیتمکدن ،
نه یاپایم ، حظ ایتم بن .
کولر یوزی سورم .. پک .
برذوقم وار ، اوده .. کولمک .

آبدال

بنده سنی کولدیر من سیم ،
بوعالمده برشی بیلمم .

آبداله دیرلر سه سرسم .

اینا ما صاقین !

آقجه

اهى ، بيلمم .

شیمدی آرتق یتر محبت .

چوقجه سوردی بو محبت .

آبدال

سنی هر کون کوز تلردم ،

شیمدی طوتدم سالار مییم ؟

صباح اقشام هپ بکاردم ،

سوز آلمادن یولار مییم ؟

بر فرصت که اله کچر ،

اوکا یاییشمقدر هنر .

سن چو جوقی صاندک بنی ؟

آقجه

کوریورم ، قوجامانسک ،

یاییشقانسک ، چوق یامانسک .

لکن ایشته سوز ویردم یا

ایسترمیسک عالم ، دنیا

کورسونلر یانمده سنی ؟

آبدال

قیز آلدانمام بن ، اوزوله ،

قارشىمىدە بويلا سوزۇلما ،

اويلا قىرىلۇپ دو كۇلما ،

— قىز قەھەتە يە كۇلر . —

فېنگىر فېنگىر اويلا كۇلما ،

شىمىدى اوپىرما كىسەكى .

آقچە

دەھا نەسل سويلايەلم ؟

— كوزلىرىنى سوزەرك —

سەكا وارمىق ھېچ املەم .

— اوقشايرىق —

كىت يېگىدىم ، كىت كوزەلم ،

كىت جىجىم دە ايش كورەلم ،

— جاۋەيلە —

كىت كىتىردە كل كىسەكى .

آبدال

كىسەك دېگەن كوسىرم .

كىسەم دكل ، كىسەلرم .

اۈچ بش يىلەر كە كىزىرم ،

اولدەتچە اهل ھىزم .

سەن زو كورتى صاندەكىنى

آقچە

اى يا ، اى يا مەنۇن اولدىم

آبدال

لېکن بن صاراردم ، سولدم ؟

بوگون کوکی کیرمه لییم .

آقجه

آبدال ، چوق صبرمزمشك !

— آقجه بونی سویلرکن غریب (رسول بك)

کیرر . آقجه بکی کودر کورمن قاجار . —

ایکجی مجلس

آبدال . غریب . سوکره غنچه قم

غریب

آبدال اما عارمزمشك !

یورده ایشك ندر سنك ؟

آبدال

بکم ، بك خیرمزمشك !

بوکایمشك ندر سنك ؟

تام ایشی یتیرییوردق .

— غریبده حلت —

سوز کسوب یتیرییوردق .

سن کلدك ، قیر قاجدی سندن .

سویله ندر زوراك سندن ؟

غریب

اوغلان ، بونلر نصل سوزلر ؟

اما قیرمش سنده ، کوزلر !

آبدال

نه ديئورسك ! اوليورم .
ايشته سكا سويليورم ،
آفجه قىزى سويليورم .
آكلادكى نه ديئورم ؟
سويليورم ، سويليورم ..

غريب

آكلادق به ! سويليورسك .
نه باغروب طور سويليورسك ؟
بونى شىمدى سويليورسك .
اوچكه بكا دانىشدكى ؟

آبدال

آلك بوندن ده برىلاك !
كورمه دم بن بويله كشلاك !
سهويمى يوق سومهيمى ؟
اوچكه دانىشمالى .. نه مى ؟

غريب

يوق ، به آبدال ، دكل اويله ،
نچين آكلامازسك بويله ؟
يعنى قىزى سوديكى
بيلميوردم . شىمدى يكى
ايشيدىيورم .

آبدال

شیمدی او کره نندلیا ، ایسته !
طورما ، چابوق کیدوب ایسته .
چابوق ! دیورم .

غریب

ها ، شویله ! یوله کله لم ،
سکا قیزی ایسته یه لم .
قیز ، بیایرسک او کسوز ، یتیم ،
خانی بنم سو کیلیم .
طیعی سوزمی قیرماز ،
کندینه ده بلسک سورماز .

آبدال

یوق سورار ، سورمادن ویرمن .
هم سورسوزده .

غریب

یا ، قیز وارماز ،
بن ایسته هم دیرسه ؟

آبدال

دیگر .

دیرسه بختمه کوسرم .
امیدی فلان کسرم .

— بوضره ده غنجه قم کیره : « شاه
سنم خام افندی دن . « دییه غریبه برکاغد
ویریر .

غريب

— كاغدى او قودىدن سوكره —

آبدال ، مرده ! ايشك اولدى .

آبدال — سوينجه —

لاف دكل ، هم پشين اولدى .

كوردكى بن سنك كى

سنه لرجه بكارمى يم ؟

هايدى ، گل ، سنكله هايدى ،

امام ، شاهد كتيردم .

— كولهرك ، اوينايه رق و غريبي

سوروكله يرك چيقار . —

ارميجى مجلس

غنچه فم . ا سوكره آقجه قيز .

غنچه فم

آقجه نك قسمنى چيقدى .

طاريسى بنم باشمه .

كوكلم يالكيزلقدن بيقدى ؟

كيردم اون سكر ياشمه .

— آقجه كير . —

غنچه فم

آقجه قاردهش ، كوزك آيدى !

آقجه

اكسيك اولما . هايدى ، هايدى !

درله يه لم ، طوپلاي لم .

شيمدى گلير بونوك خانم .

غنىچەقم

يوق ، او ، دها گلز .. ايركن
حاضر ايكيمنز يالگزن كن ،
بر آز كولوب اكله نهم ،
شو كوشه ده كزله نهم ،
اوينايالم ، هوپلايالم .

— غنىچەقم آقچايى زورله صحنه اوزرنده چاديرك
پردە ايله آيرلش بر كوشه سنه سوروكلر . —
آقچە

قىز دايشمين ! عيب والله !

كوره جىكلر شيمدى بالله !

ديرسه ده آرقاداشنك ابرامنه طايانامايه رق
بش دقيقه قادار كورجى اويونى اوينارلر .
صوكنه طوغرو بويوك خانم افندى كيرر .

دردىجى مجلس

اولاكيلىر [پردەنك بر طرفنده] بويوك خانم

[پردەنك ديكر طرفنده]

بويوك خانم

— قىزلى كوده سن ، سسله نير —

قىزلىر ، نرده سيگزن ؟

— آقچە ايله غنىچە قم همەن اويونى براقه رق

بر برلرينه —

آي ، بويوك خانم !

— جهراً —

افندم !

بويوك خانم

ماشالله نرده يديگيز يا ؟

غنیہ

شوسفره پرینه آقجه یله کیتدک ..
 یمش سفره سنی بر آز دوزه تدرک [۱]

بویوک خانم

پک اعلا ، قیرم ، غنجه قم ، پک اعلا .
— آقچه ده —

قىز تېرىك ايدرم ، نىكاك اولدى .
سلاملىق امام ، جماعتلىق اولدى .
— آقچە —

آلک اویدرک

صداغ اولك افندم ، عنايتكنز ،
عاطفتكنزه احيا ايتديكنز ،

بویوک خانم

چوق یا شا ، بنم کولریوزلو آقجه م [۲]
کیت ، باق ، تلک ، دوواغک ، هپسی تمام .
آقجه

— تکرار اتمک او پھرک —

افندم ، لطافتکیز ، دایم ، وار اولسون

بوبوك خانم

کلین قیزم آقجه بختیار اولسون .

[۱] دوزاتيك .

[۶] «آقجام» دینور

— آڭه چيقار . —

غنىچەقم ، سىڭىدە جىھازك حاضىر . [۱]
بىر خېرىلى قىسمىت چىقىسىن . . ان شاللا . .
قىزىم ، شو بىردەيى آزيىچى قالدېر . .
— بو صىرەدە دىھوتلى خانىلار سوكون ايدىرلر —
بويوك خانىم

— كان خانىلارە —

صفا كىلىدىكىز ، خانىلار ، ماشاللا . . .

خانىلار توالى ايدىر .

چادىر دىھوتلى خانىلارە طولار . بىردىكىر چادىردىن چالغى سىسلرى
كلېر بىرمدىت سوكرە فانوسلار يانار . غىرىپك والدىسى خانم افندى ،
آرقەسىندىن يان يانە قىزى امىنە ، كلېنى شاھ سىم و آرقەلىرىندىن آڭجە قىز
كلېنلا كىنلا كىرولر بولر كىركىن ھىركىس آياغە قالدقار .
سىسلر : ماشاللا ! بىك بىركرە ماشاللا ! اللھى سون ماشاللا
دىسىن بو صىرەدە چالغى ايلە :

» ماشاللا «

ماشاللا !

بىك بىركرە ماشاللا

اللھى سون ماشاللا دىسىن

اوج بىلدىزلىر كى اوج الماس كلېن .

ان شاللا !

دىلورم ، قارداش ، اللھ

سىزەدە خېرىلى بىر قىسمىت وىرسىن .

آنە كىزك باشى كوكلەرە ايرىسىن .

ياقتاح !

[۱] » جەھىزك « اوقونور

ویر الله ، امریکه
 سویشن چیفتلره دیرلک دوزنلک .
 برلک اولسون ، قالماسین ایکی بئنلک .
 هر صبح ،
 هر اقشام و هر کیجه
 سفارله محبتده اولسونلر ،
 یقیشدیر سینلر طومبوللر ، طومبوللر .
 آمین .

کلینلر بر صره یه برسدیرده اخذ موقع ایدرلر احبابلری اطرافلری
 آلیرلر . رقصلر اولور . بر مدت سوکرا یاقین مناره دن یاتسی اذانی
 عکس ایدر . چالغیلر طورور . خانلر : « العزلة » . « دینه خاشماه
 دیکرلر . بر مدت سوکره برقچ سس : « کوکی بکار کلیرلر » .
 موزیقه :

« شرق زفاف مارشی » نى گفته سز ترنم ایدرکن مشعللی زفاف
 آلائی کچر . کوکی بکارک اوچی آلائیک موقع شرفنده . کلینلرده بر
 قادین آلائیله کوشکه کوتورولورلر .
 — صحنه بوشالیر . آبدال کیرر . —

آبدال

— یالکز ، بوش صحنه ده تماشا کرلره خطابا
 اولج ، موزیقه ایله یالکز بسته سی چالینان « شرق
 زفاف مارشی » نك گفته سنی کاخددن شوپله اوقور —

« شرق زفاف مارشی »

کوچوک بکار ، خانم قیزلر

نجین آریلر ، یالکزلر ؟

چوقالسین هر ای ییلدیزلر .

سویشه لم ، أهوانه لم .

وطن بزدن اولاد ایستر .

اغار ، طورمايك بكار ،
 چالشيكر ، ايديكز كار ،
 اتمه ييكز يك چوق افكار ،
 سويشم اوله نهم ،
 وطن بزدن اولاد ايستر .
 سوزمي ديكله ييك ، كلك ،
 قادين ، قاديخچق بر كلين
 بولك قيمتي بيلك ،
 سويشم ، اوله نهم ،
 وطن بزدن اولاد ايستر .
 سزله بوني سويله مك
 ايچين خايي چكدم امك .
 سزي ده يوردي ديكله مك ،
 اوله نهم سويشم
 وطن بزدن اولاد ايستر .
 خانملر باشلايوب نازه ،
 بكارم ده اعتراضه ،
 ديمه سينلر : « يازه يازه ،
 بونجي يازدك ؟ كوزه لار !
 وطن سزدن اولاد ديلر .
 اهودت ، هپ سوهلم ، بكار ،
 وطن بزدن يارديم بكار .
 هپمزدن امداد ايستر ،
 اوني سون اولاد ايستر .
 صوك

تصحیحہ متعلق ملاحظات

برنجی قسمك برنجی فصلی بسبتون طی اولونه بیلیر .
او حالده — ایکنجی فصل برنجی اولور . وپرد آچیلمازون
« کچید » بستهسی چالینیر .


۲

ایکنجی قسمك اوچنجی فصلنك اختصاری، حق بسبتون
حذفی ممکندر لیکن بعض اقسامنك ابقاسی اولادر .

۳

اوچنجی قسمك برنجی فصلی قابل اختصاردر . سائر درلو
اختصار و تاختیص جائز دکلدر .

ذاتاً اشبو پیهسك وضع صحنه ایدلمسی ده حقوق سائرهمسی
کی قانوناً محفوظ اولدیفندن کرک تصحیحی کرک اوینانمسی ایچین
محرر عاجزه مراجعت بیورلمسی رجا اولنور .



ترتیب خطالری

سطر	صحیفه	خطا	صواب
۱۸	۱۵	اینجیلر ر .	اینجیلر سرپر .
۱۹	۱۹	قیزدیر !	قیز ، دیر :
۸	۲۳	أتک ،	أتک ؟
۱۱	۵۰	مفعول	(سکتله) مفعول
۱۴	۵۱	مفاعیلین	مفاعیلان
۲	۶۵	چادی	جادی
	۸۴	اون ایکنجی سطر دن صو کره او نودولش مصراع :	
		لیکن نهیم ، کیم سویله یین ؟	
۵	۸۵	اچدم	آچدم
۱۵	۸۸	ات	آت
	۹۵	اون برنجی سطر دن صو کره او نودولش بیت :	
		تورکک بو اصالته بناتی متحلی ،	
		توران اک الاهی کوزمه طور تجلی .	
۱۳	۹۶	بیدم	ییدم
۱۶	۱۰۳	صحنه	صحنه
۱۵	۱۰۳	شهر	شهری

1823

1824

1825

1826

1827

1828

1829

1830

1831

1832

1833

1834

1835

1836

1837

1838

1839

1840

1841

1842

1843

1844

1845

فیتائی

۲۰ غروشد

« ماشق غریب » ناظمینک یوندن اوله طبع ایدلش دیگر
شعر مجموعه لری شوناردور :

قیر منکشه لری
حریرک اطراقنده
یبانی کلر